




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2748/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2748/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2748/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2748/A



H. M. Ormerod

3 in 1 vol


1216

67

59 60

Woodcut 15

Alcibiades





2748/A

O. 81. 93

TVR

2748



42550  
DE  
TVRCARVM  
MORIBVS  
EPITOME,

\*

*Bartholomao Georgienuz  
Peregrino au-  
tore.*



LVGDVN.  
APVD IOAN. TORNAESIVM.  
M. D. LVIII.



IOANNIS GOTTSCALCI  
BRABANTINI POETAE  
LAUREATI IN LAV-  
DEM AVTO-  
RIS.

Quòd varios hoīes, varias quòd uiderit urbes,  
Neritij nomen notaq; fama ducis.  
Raptus at à Turcis in uincula Bartholomaeus,  
Neritio errauit per loca plura duce.  
Hic Asianorū, atq; Arabū distractus in oras:  
Que tulit, est testis dira pericla comes.  
Ille Ithacem inter iactatus, & Ilium inter,  
Clarior ingenio est factus Homere tuo.  
Hic maris, & terrae discrimina maxima sensit:  
Ille sed expertus sola pericla maris.  
Quid multa? hic dignus quē laudet Musa Ma-  
aedonij uaris dignus & ore cani. (ronis)



REVERENDISS.

ET ILLVSTRISS.

D. Innocent. de Monte S. R. E.

Diacono, Cardinali amplissi-

mo, Bartholomeus Georgieuz

Peregrinus Hierosolymitanus

Clientum deditis. S. P. D.



AEVA discordia,  
 & Principum nostro-  
 rum intestina bella hoc  
 mihi Peregrino pepe-  
 rerunt, INNOCEN-

TI prest. Ut omnibus bonis spoliatus,  
 catenis vinculus, per aspera atq; lubri-  
 ca Thraciae, Asiaeq; minoris loca, ut in-  
 metum aliquod, oppidatum, vicatum,  
 & plateatum venum ductus: ad gra-  
 uissima, variaq; rustica negotia septies  
 venundatus: ibiq; sub Turcica ac ru-

A 2

stica



stica ferula, & aspera disciplina, in fame & siti, in frigore & nuditate sub dio cubans, gregem ouium armenta<sup>q</sup> pascere, agriculturam exercere, equos curare, militia<sup>q</sup> artem discere compulsus sim. Vnde capta fuga, glandibus, herbis agrestibus, earum<sup>q</sup> radicibus amaris, modico sale conditis victitans, in solitudine arctico polo duce errans, inter voracissimas feras versatus sum. Helleponticum mare, trabibus fune colligatis, traicere conatus sum, tandem captus, ad herum reductus, manibus ac pedibus ligatus, in terram prostratus, fustibus duriter casus, postea ad mangones atq<sup>3</sup> lanistas venum reiectus: ita vt tredecim annorum spatio, aduersae fortunae fluctibus agitat<sup>us</sup>, sub Imperio Turcarum multas misérias, calamitates, afflictiones, & persecutiones pro fide sancta Catholica experiri, pati<sup>q</sup> coactus sim.

Que



N V N C V P A T O R I A. §

Qui quum illa magis compendiosa  
 Via, hoc est per Thraciam, tantam ty-  
 rannidem, grauissimam seruitutem,  
 & crudelissimam infidelium affli-  
 ctionem effugere nequiuissim, alia  
 Via, videlicet antarcticū polum ver-  
 sus, per Caramaniam, ac Syriae deserta  
 & periculosissima loca fugiens,  
 Per varios casus, per tot discrimi-  
 mina rerum,  
 in terram sanctam, ad fratres Diui  
 Francisci Hierosolymæ in monte Syon  
 habitantes, perueni. Inde post cursum  
 vnius anni, quasi à mortuis (Diuina  
 voluntate) suscitatus, illiusq; voracis-  
 simi & insatiabilis draconis orco, &  
 faucibus ereptus, eiusq; tormentis, &  
 supplicijs liberatus, fratribus meis  
 Christianis, illarum pœnarum certis-  
 simus nuntius veni: vt dignam suo-  
 rum scelerum, atque errorum pœni-  
 tentiam facerent, ne & ipsi in eum



tormentorū, ac cruciatuum locum  
veniant: Vt etiam intelligant, quo in  
odio esse debeant hi, qui Christianum  
gladium, nostrarum miseriarum fu-  
turum vindicem, iam ante tot secula,  
tam fidelium, quàm etiam infidelium,  
prophético ore prædictum, & ad illud  
Sathanæ regnum destruendum &  
demoliendum prædestinatum, ab hac  
sanctissima & diu desiderata expe-  
ditione, remorantur.

Quum igitur post terræ sanctæ per-  
egrinationem, occidentaliū quoq; par-  
tium loca visitando, illarum crude-  
litatum tragœdias, leniter delineas-  
sem, necnō alia quedam, quæ aut quo-  
tidiana conuersatione, & experientia  
longoq; vsu, in aula & militia Turca-  
rum Imperatoris existens didiceram,  
vel quæ doctiores & sapiētiores eius-  
dem, legere, seu recitare audiueram,  
vel à senioribus (olim dicta aut lecta)  
ratiocini



*rationari intellexeram, memoriaq;  
 commendaueram: singula breuiter, ac  
 fideliter in diuersis locis, & diuersis  
 temporibus conscripta, particulatim  
 diuulgassem, & postea à me diuul-  
 gata, per doctos probosq; viros in va-  
 ria idiomata traducta, & publicata  
 comperissem, eaq; necessaria, & quo-  
 dammodo vtilia, & grata lectoribus  
 perspexissem, omnia in vnum fascicu-  
 lum collegi: nunc verò in meliorem  
 formam redacta, tibiq; optimo ac sin-  
 gulari studiosorum patrono dedicata,  
 in hac celeberrima, omniumq; natio-  
 num vtriusque status, & conditionis  
 hominibus florentissima vrbe, typis  
 elaborata, aduenis, ac peregrinis statui  
 legenda communicare.*

*Tu igitur exemplo CHRISTI  
 saluatoris (qui illius pauperculae vi-  
 duae munusculum offerentis, tot Prin-  
 cipum preciosis muneribus prætulit,*

A 4      *quæ*



8

EPIST. NVNCVP.

quæ sibi vnico quadrante immorta-  
lem hereditatem comparauit) hoc exi-  
guum munusculum afflicti peregri-  
ni, æqui boniq; consulere velis. Eumq;  
beatissimo Patri Iulio, Pont. Opt.

Max. D. nostro gratio-  
sissimo commendare  
digneris. Vale.

Romæ Idibus

Septem-  
bris,

M. D. LII.






DE  
TVRCARVM  
RITV ET CAERE-  
MONIIS CAPI-  
TVLV M.

9

*Et primo loco de Templis, seu  
Meschitis eorum.*



**H**ABENT Templa  
fatis ampla, & sum-  
ptuosa, ipsorum lin-  
gua *Meschit* appellata,  
in quibus nullas prorsus imagi-  
nes

A S

nes



nes vidi, præter hæc verba inscri-  
pta, Arabica lingua videlicet, *La  
Illah Ilellah, Mehemmet, Iresul, Al-  
lah, Tanre Bir Pegamber, Hach*, id est,  
non est Deus nisi vnus, Mehem-  
met autem propheta eius: Crea-  
tor vnus, & prophetæ æquales.  
Vel hæc, *Fila Galib Ilellah*, id est,  
non est fortis sicut Deus. Deinde  
conspicitur magna abundantia  
lampadum ardētium oleo, totum  
Templum dealbatum, pauimen-  
tum storeis stratum, ac desuper  
tapetis ornatū. Circa Templum  
turris miræ altitudinis, quam eo-  
rum sacerdos tempore orationis  
ascendēs, voce alta, digitis in au-  
res insertis, hæc verba ter repetit  
*Allach Hechber*, id est, Deus verus  
vnus. Audito clamore cōueniunt  
in Templū nobiles & otiosi, tan-  
tū deuotioni astricti. Deinde  
præd



prædictus Sacerdos descendens  
 orat cum illis, idq; ex officio face  
 re debet quinquies inter diem &  
 noctem. Quicumq; verò veniunt  
 ad orationē, debent abluere ma-  
 nus, pedes, & pudenda: postremò  
 ter spargunt aquam super capita,  
 recitando hæc verba, *Elhemdi  
 Lillahi*, id est, gloria Deo meo. De-  
 inde, exutis calciamētis *Patsmagh*  
 dictis, eisq; ante ianuam Templi  
 relictis introeunt, alii nudis pedi-  
 bus, alii habentes munda calcia-  
 menta *Mesth* vocata, quibus non  
 palpant terram. Fœminæ nun-  
 quàm congregiuntur cum viris,  
 sed seorsum certo in loco, pror-  
 sus abstruso, à virorum conspe-  
 ctu, & auditu: ipsæq; rarius Tem-  
 plum frequentant, ut tempore  
*Bairam* paschatis, nonnunquam  
 diebus Veneris, quæ *Gsumaagun*  
 eorum



eorum lingua vocatur, orantq;  
ab hora nona noctis vsque duo-  
decimam, vrputa mediā noctem:  
atq; inter orandum corpus con-  
tinuo agitatu, & vociferationi-  
bus mirè affligunt, vt sæpius viri-  
bus & animo defectæ, in terram  
pronæ concidant, & si aliqua ab  
eo tempore se grauidam senferit,  
spiritus sancti gratia imprægna-  
tam esse affirmat. Cumq; pariūt,  
ab ipsis nati *Nefes Oglu*, id est, Ani-  
mæ, vel Spiritus sancti filii appel-  
lantur. Ita mihi narratum est à pe-  
dissequis earum: nam nec ipse vi-  
di, nec aliquis virorum huic spe-  
ctaculo interesse potest. Virorum  
autē orationibus cum hero meo  
sæpe interfui, quibus mos hic est.  
Inter orandum pileos suos ( qui  
*Tsalma* illorum lingua vocantur)  
non deponūt, sed summis digitis  
attin



attingunt, quasi eleuaturi, genibus incumbunt, & terram sæpè deosculantur. Christianū eorum sacris interesse nephariū putant: credunt enim ab hominibus (vt ipsi aiunt) illotis, sua templa contaminari, quippe Christiani non vsurpant illorum more frequentia lauacra. Ibi Sacerdos illorum suggestum ascendit, ac ad duas circiter horas concionatur: peracto sermone ascēdunt duo pueri, qui cantando suas preces pronuntiant. peracto eorum cantu, incipit Sacerdos cum toto populo submissa voce cantare, quassando corpus in latus, nihil aliud præter hæc verba, *La Illah Ilallah*, id est, non est nisi vnus Deus. sic media ferè hora personat, ac mouetur. Huiusmodi autem orationes, & cæremoniæ, vt cātus, prædicat



dicatio, non fiunt singulis diebus, nisi tēpore Quadragesimali & die festiuo, vtputa die Iouis, ab hora nona noctis, vsq; duodecimam. Et ipsa dies Veneris, à quibusdam religiosissimè colitur.

*De Quadragesima eorum.*

**H** Abent etiam Quadragesimam sua lingua *Orut* appellatam, ieiunantes vnum mensem, & vnam hebdomadam singulis annis, at non semper eundem, sed si (videlicet hoc anno) ieiunauerint Ianuarium, sequēti Februarium, pergentes serie, ita vt duodecim annorum decursu annum, & duodecim hebdomadas loco decimæ offerant Deo. Cū ieiunant, toto die nihil gustant, ne panē quidē, aut aquam. Deinde visa stella, licet illis omnia  
mand



manducare, præter suffocatum,  
 & porcinas carnes. Suffocatum  
 ab eis, *Murdar*, id est, cadauer siue  
 immundum, & porcus *Domu* vocatur.  
 Quadragesima peracta,  
 Pascha celebrant, eorum lingua  
*Bairam* vocatum, magna cum so-  
 lennitate per triduum, oblinien-  
 tes ungues manuum & pedum  
 certo ceromate ab eis *Chna* appel-  
 lato, quod ungues rutilos efficit:  
 eadem quoque tinctura caudas  
 equorum & pedes imbuunt, hic  
 color tenacissimè hæret, nec ab-  
 lui, aut extergi potest: quamob-  
 rem nisi noui à radicibus ungues  
 exierint, semper rutilantes appa-  
 rent, sed de manibus frequenti  
 lotionem potest deleri. Mulieres  
 non solum ungues, sed & ma-  
 nus, atque pedes illo ceromate  
 imbuunt.

De



*De Circuncisione.*

**V**Tuntur circuncisione eo-  
 rū lingua *ʿsuneth* dicta, non  
 octaua die, more ludæorum, sed  
 quamprimum natus septimū aut  
 octauum annū exegerit, sermo-  
 nis iam peritus: idq; ipsis myste-  
 rium est, propter verba cōfessio-  
 nis, quæ ante circuncisionem re-  
 quiruntur, erecto pollice manus  
*Parmach* dicto, hæc videlicet, quæ  
 suprā



suprà ostendimus in templis descripta. Puer ob id non defertur in templum, sed in domibus parentum circumciditur. Huic solennitati sæpe interfui, quæ ita se habet. Primò conuocatis amicis ad conuiuium, quibus satis delicata parâtur fercula, ex omni genere carnum, quo ipsis vescilicet, & passim (vt apud ditiores) bos cæditur, in hunc excoriatum & exenteratum includunt ouem, in qua gallinam, & in illa ouum, quæ integrè assantur ad splendorem illius diei. Deinde inter epulas tēpusq; cœnæ adducitur puer circumcidendus, cuius medicus illius artis glandem reteggit, & replicatam pellem forpiculis apprehendit: deinde quò metum adimat puero, ait se in proximum diem circuncisionē peracturum,

B

atque



atque ita discedit: mox simulans,  
 quasi omisſū aliquid eſſet, quod  
 ad præparationem attinet, ex im-  
 prouiſo præpuciū abſcindit, vul-  
 neri parum ſalis, & bombasini ap-  
 ponēs: iam vocabitur *Muſulman*,  
 id eſt, circuncisus. Et die circunci-  
 ſionis nō induntur illis nomina,  
 ſed ipſo die natali, quo in lucem  
 eduntur, quæ talia ſunt: & primò  
 Regū, vt *suleiman*, Solomon in-  
 terpretatus. *sultan ſcelim*, id eſt,  
 princeps pacis. *Murath beg*, id eſt,  
 deſideratus dominator. *Muſtafa*  
 & ſimilia. Ducum, *Pirin*, *Hairadon*,  
*Hader*, *Ebrahim*. Dominorum hu-  
 milioris cōditionis, quemadmo-  
 dum ſunt *ſpahalar*, *ſauſlar*, *Emin-*  
*ler*, *Behram*, *Memmi*, *Mehēmet*, *Al-*  
*li*, *Ahmat*, *Tcielebi*, *Paiaſith*, *Chat-*  
*ſun*, *Huſcreſ*. Cæteris omnibus,  
*Muſa*, *Ionuz*, *Schender*, *Perhat*, *Fer-*



ro. Captiuorum ac seruorum maiori ex parte *Seremeth*, quod nomen significat audacem, atq; velocem. Postea continuato triumphorum conuiuio, circuncisus ducitur in balneum cum maxima pompa. Cum redit domum, ducitur per conuiuas, qui parata illi munera offerunt: alii vestes sericeas, alii scyphos argenteos, alii pecunias, vel etiam equos. Mulieres quoq; indusia, sudariola, & alia huiusmodi. Iuxta voluntatem & opes vnusquisq; conuiuarum donat. Foeminae non patiuntur circuncisionem, sed tantummodo iam dicta verba confitentes, *Musulman* efficiuntur. Si autem ex Christianis quispiam sua sponte confesso Mehemmeto circuncidi se patiatur, quod saepe contingit, propter grauissimum

B 2 iugum,



ingum, & onus tributi, talis ducitur per omnes vicos atque plateas ciuitatis, summo cum honore, & gaudio populi sonantium tympana: ipsi quoq; dantur munuscula, postea immunis efficitur à solutione tributi, *Haracs* eorum lingua appellati: Et cupiditate huius lucri, multi Græci, quos *Vrumlar*, & Albani, quos *Arnautlar* vocant, circunciduntur. Si quis vi compulsus, vt puta qui Musulmanum feriret, vel vituperio afficeret, aut Mehemmetum blasphemaret (quod vidi Episcopo cuidam Græcorum sectæ, contigisse) circunciditur, illi nihil datur: à tributi tamen solutione liber erit, sicut & cæteri *Musulmanlar*, id est, Circuncisi.

De



*De sacerdotibus eorum.*

**S**acerdotes verò, illorum lingua *Talismanlar* vocati, parum vel nihil differunt à laicis, nec etiam à proceribus cæremoniarum, (quales apud nos sunt Episcopi) nec magna in ipsis doctrina requiritur: satis erit si Alcoranum, & Mussaphum nouerint legere. Illi autem qui etiam interpretari secundum textum nouerint, peritissimi habentur: quoniam non vulgari lingua Turcica, sed Arabica à Mehēmeto sunt tradita, quòd nephas esse putant, si vulgari lingua interpretata describerentur. Eliguntur isti Pontifices à populo, stipendium autem à Rege pro labore accipiunt. Vxores habent, & habitum vt seculares. Si stipendium nō sufficit



propter multitudinē liberorum,  
mechanica tractant, ac libero  
etiam homine digna attingunt:  
præficiuntur scholis, aut libros  
describunt. Apud illos sanè nul-  
los vidi typographos, sed char-  
tam optimè parant. Alii alium  
quæstum faciunt, vt sartoris, fu-  
toris, & similia.

*De Monachis.*

**N**On defunt illis Monachi  
*Dervislar* vocati, varii qui-  
dem, ac imprimis triplicis ordina-  
tionis. Primus ordo talis est, qui  
nihil proprii habentes, quasi nudi  
incedunt, præter pudenda pelli-  
bus ouinis tecta: & tempore fri-  
goris ad cooperiendum dorsum  
similiter pelle vtuntur: latus, ma-  
nus, pedes, & caput nullo prorsus  
tegunt vestimento. Exigentes  
elecemo



eleemosynam tam à Christianis,  
quàm à Turcis *Alahici* petentes,  
quod significat, propter Deum.  
Hi deuorata herba *Maslach* vo-  
cata, in rabiem aguntur, adeò vt  
per pectus totum in transuersum  
vulnus ducant, itidem per bra-  
chium vel nullo dolore dissimu-  
lato, & fungum arborum incen-  
sum capiti, pectori, manui super-  
positum non remouent, donec in  
cineres resoluatur. Aliud genus  
vidi, qui incedunt pertusa verpa,  
siue mentula, & incluso anulo  
aereo ponderis trium librarum, à  
coitu disclusi, ob seruandam ca-  
stitatem. Tertium genus rarò  
egreditur, sed manent die no-  
ctuq; in templis, habentes in an-  
gulis templorum tuguriola, sine  
calciamentis, vestimento, disco-  
perto capite, nihil gestantes præ-

B 4 ter



ter vnam camisiam, multis diebus ieiuni, orantes, vt Deus ipsis futura reuelet, quos rex Turcarum bellum moturus consulere solet.

*De Reuerentia, quam exhibent  
Machometi traditionibus.*

**T**Antam reuerentiam Turcæ Machometi traditionibus & statutis præstant, vt non solum Deum (quod nostris plerunque accidere solet) non blasphemant, imò schedam quomodocunque scriptam in terra iacentem si repererint, erectam, & sæpius deosculatam, in rimam aliquam parietis positā, obstruunt: dicunt peccatū esse, si literæ, quibus nomen Dei & lex Machometi describuntur, pedibus conculcen



culcentur. Et nemo audet Christiano, vel alterius fidei seu religionis homini vendere Alcoranum, aut alia eorum scripta, ne abiecta palpentur pedibus, vel immundis manibus contrectentur: alioquin capitis poena plecteretur. quare in hac re nobis profectò meliores dici possunt.

*De Scholis ipsorum.*

**H**Abent quoque loca ad instituendum *Ochumachgirleri* eorum lingua appellata, & suos Doctores quos *Hogfialar* vocant, tam masculos, quàm foeminas, separatim tamē instituunt, masculi masculos, & foeminæ foeminas, Astronomiam, Philosophiã, Artem poeticam. Inter discendum clara voce clamâtes ad latus corpora mouent. Musicam non no-

B § runt



runt artificialem, sed fingunt carmina ad præscriptas regulas, quæ ita se habent. Quodlibet carmen undecim debet complecti syllabas. Placuit itaq; exempli gratia hæc pauca inferere.

## CARMINA AB IPSIS

*Bethler dicta.*

*Birechen bes on eiledum derdumi*

*Iaradandan istemiscem iardumi*

*Terch eiledum Zahmanumi gurdumi*

*Ne ileim ieniemezum glanglumi.*

Sunt enim carmina amatoria, Deæ ipsorum lingua *Asich* vocatæ, id est, Deæ amoris, quorum interpretatio hæc est de verbo ad verbum.

*Birechen*, id est, ex vna. *bes*, id est, quinque. *on*, id est, decem. *eiledum*, id est, feci. *derdumi*, id est, tribulatione mea.

*Iarad*



*Iaràdandan*, id est, à creatore.  
*istemiscem*, id est, postulavi. *iardumì*, id est, auxilium.

*Terch eiledum*, id est, neglexi.  
*Zahmanumì*, id est, patriæ meæ.  
*gurdumì*, id est, visitationem.

*Ne*, id est, quid. *ileim*, id est, faciam. *ieniemezum*, id est, non possum vincere. *gunglumì*, id est, mentem meam.

*De Matrimonij contractione.*

**M**atrimonium eorum lingua *Eulenmech* vocatum, tale est. Coeunt nuptiæ sine iuramento, accipiunt planè indotatas, propemodum emere coguntur, contrario (quàm olim apud Romanos) more, ubi gener emi solebat, non nurus. Nil habet sponsa in corpore cultus vel ornamenti, quod non cogatur à forceris



ceris redimere. Diuortium apud illos faciunt improbi mores, vel infœcunditas: cognoscit de istis rebus iudex ipsorum. Inter seruos emptos etiam matrimonium permittunt, sed geniti ex illis vernæ fiunt.

*De Peregrinatione illorum.*

**P**Eregrini, eorum lingua *Hag-silar* appellati, loca ab ipsis sancta habita inuisunt, videlicet *Mecham*, *Medinum*, vt nostri Hierosolymam: ibi aiunt Mehemmetum obiisse: sed non minus quæstus gratia quàm religionis & deuotionis. Ibi viso calciamento *Tsaroch* vocato, quod inauratum solummodò à testudine templi pendet, coemptis subtilissimis telis, *Chumas* dictis, in patriam regrediuntur magno cum lucro. Et  
cùm



cùm redierint, alii vectant deuotionis gratia aquam in vtribus plateatim, idq; obuiis sitientibus gratis offerunt : alii rem suam agunt, & si qui in itinere pereunt quocunque modo, etiam si non veniant *Mecham*, nihilominus in peregrinorũ numero habentur.

*De Miraculis Machometi Mechea  
factis, & quæ modernis quo-  
que temporibus aiunt  
eum facere.*

**N**Escio miraculane vel miraculosas nugas potius dicam, quæ sunt scripta in eorum libro *Mehemmedine* dicto: aiunt enim, quod sibi etiam persuasum habet, quòd cùm Mecha extrueretur, Deum per Machometi preces montibus iussisse, vt lapides ad ædificandum Mecham quisq; adfer



adferret: cumq; quisq; montium  
decimam lapidum attulisset, &  
ex his Mecha extructa, & com-  
pleta fuisset: quidam mons *Ara-  
phat dagh* dictus, quum cæteris, ex  
longinquioribus partibus veniēs  
tardior esset, & Mecham extru-  
ctam vidisset, cognouissetq; eius  
lapidibus opus nō esse, cœpit fle-  
re amarè. Quem quum Macho-  
met flentē vidisset, causamq; eius  
doloris intellexisset, dixit: Esto  
bono animo, inquit, & noli tri-  
stari, sed depone in eo loco illi de-  
monstrato decimā tuam: & quis-  
quis super eum lapidem non ora-  
uerit, illius peregrinatio inutilis,  
ingrataq; fiet. Et percussit Ma-  
chomet lapidem pede, & eduxit  
ex illo aquam ad potandum inu-  
tilem, imposuitq; illi nomen *Ab-  
Zemzem sui*, id est, purificationis  
aqua,



aqua, ex qua omnes eorum peregrini in vasculo secum domum deferre solent: & dum quispiam eorum moritur, vestimenta, quibus cadauer ab eis inuolui debet, ea aqua asperguntur in remissionem omnium scelerum eorum.

Dicunt etiam, quod nemo potest Meham venire, quin aduentus eius Machometo sit cognitus qui postea custodibus (qui omnes sunt eunuchi) per eum reuelatur: & si talis *Hagy*, id est, peregrinus raptor fuerit aut sceleratus, seu Christianus, vel alterius religionis homo, dicti custodes prohibent illi Meham ingressum. Cæterum cadauer eius ibi non est, ut quidam aiunt, sed forma imaginis in muro templi, persona Machometi impressa: illam deosculantur, & ita domum redeunt.

Talia



Talia enim sibi mendacia loco miraculorū illi infideles per Machometum habent persuasa : & multo magis ridiculosa, quæ profectò pudet me hîc adferre. Velim tamen vt generosus lector interrogaret aliquem Turcarum, si ita sese res habeant : tunc affirmabit Peregrinum meram veritatem narrare.


*De Eleemosyna eorum.*

**H**Abēt xenodochia *Imareth* appellata, ex testamento Regum condita, vbi datur cibus pauperibus atque peregrinis, sed alibi alius. Sunt qui dant oryzam *Pirinets Tforbā* dictum cum carnibus : alibi *Bogdai as*, qui fit ex tritico, pro oblatione : additur panis satis magnus : potus quem præbent, est aqua. Cæterum pernoctandi



Etandi ibi aut dormiendi locus  
nulli conceditur, sed habēt alium  
locum pernoctādi publicū *Char-*  
*uansanrie*, vbi gratis recipiuntur  
hospitio: non habent tamen le-  
ctos, sed in foeno vel stramine sub  
tecto dormiunt.

*De victimis eorum.*



**I**mmolant etiam victimas, sed  
plerunq; votiuas, *Chorban* tam  
Turcica quàm Arabica linguis  
c vocat



vocatas: in morbo enim aut periculo, ouem vel bouem pro cuiusque opulentia in certis locis se sacrificaturos promittunt: voti deinde victima non comburitur in holocaustum, vt ludæis mos est, sed mactato animali, cutis, caput, pedes, & quarta pars carnis sacerdoti præbetur, altera deinde pars datur pauperibus, tertia vicinis. Cæteras reliquias ipsi victimatores sibi, & comitibus parant ad vescendum, neque tenentur voto, si è morbo vel periculo erepti non fuerint. Omnia enim illorum conditio-  
nalia sunt, Dabo si dederis. Similis etiam apud Græcos & Armenios, & cæteras nationes Asiaticas Christianæ religionis cultus obseruatur.

De



*De legatis & testamentis.*

**S**I quis ex Musulmanis moriens testamentum condere constituit, talia fermè legata fiunt, adhibitis amicis & vicinis. vt aut riuos deducere ex lōginquis partibus ante aliquod hospitale, aut templum, siue in locum aridum, qui frequentatur ab hominibus *Hairitsi*, id est, pietatis gratia, & *Gfianitsi*, id est, pro anima. Alii captiuos, & emptitios seruos legant liberos faciendos. Mulierculæ enim (vt hoc genus præ cæteris superstitiosum est) legant pecuniam militibus, pro certa cæde Christianorum. Id putant magnò ad salutem suæ ipsarum animæ prodesse. Reges verò templa, hospitalia, extruenda constituunt, & alii si qui sunt potētes.

C. 2.

De



**V**Bi quis moritur ex Musulmanlaris masculus, tūc masculi funus curant: si fœmina, fœminæ. Abluunt cadauer, ac nitidissimis lineis induunt, postea efferunt extra urbem in locum aliquem: nephas enim est in templis sepelire. Procedunt ceroferarii cum candelis Monachi illorum, subsequuntur sacerdotes cantilantes interim, donec ad sepultura locum perueniant. Quod si pauper fuerit ille defunctus, pro laboribus religiosorum plateatim collectæ pecuniæ solent illis offerri.

*De Aedificio sepulcri*

*Tulbe dicto.*

**C**onditorio superædificatur  
(vtputa Regio) templū: ipsi  
enim



enim Reges in vrbe sepeliuntur:  
 Diuitum & pauperū instar alta-  
 ris in eam altitudinem, vt bestiae  
 insultare, aut locum conspurcare  
 non queant. Sæpius eò cum luctu  
 redeunt, & inferias ciborum mo-  
 numento superposito, panes, car-  
 nes, caseum, oua, lac, nouendialis  
 cœna, more Ethnicorum, pro ani-  
 ma defuncti deuoratur à paupe-  
 ribus, aut auibus cœli, & formi-  
 cis. Dicunt enim æquè gratū esse  
 Deo, offerri eleemosynam tam  
 brutis egentibus quàm homini-  
 bus, cū ob amorem Dei offer-  
 tur. Multos vidi, qui auiculas re-  
 clusas, data pecunia valoris au-  
 culæ, euolare iusserint: alios panē  
 piscibus in flumē proiicere amo-  
 re Dei, dicentes se pro tali pietate  
 erga egentes mercedem amplissi-  
 mam à Deo consecuturos.



# DE MILITIA EORVM.

\*



Abent omnes vnum  
Regē, qui illorū voca-  
bulo *Huncher Othmā-*  
*lardan Sahitsultan su-*  
*leiman*. Modernus ita appellatur  
ab eis, id est, Imperator ex Otho-  
manis Sahi princeps Solomon,  
qui nunc habet filium primoge-  
nitum viginti (vel circiter) trium  
annorum *Mutstafa* vocatum, ex-  
cellentem suos antecessores ty-  
rannide, atque crudelitate, sæpe  
insidiātem patri, vt si quo modo  
posset illum occidere, ob libidi-  
nem dominii. Habet Rex sub se  
duos duces siue Satrapas *Tsan-*  
*giach Begler* vocatos, Europæum  
& Asiaticū, quibus subsunt præ-  
sides



fides minores *Timargilar* dicti,  
 quorum imperiis parent milites  
 ordinarii, qui si cessant dum ad  
 expeditionem euocantur, suspen-  
 dio pœnas luunt. *Bassalar*, qui in-  
 terpretantur capita, plures sunt:  
 ii propter consilium semper Re-  
 gem comitantur. *Sulhtarlar* quo-  
 que, qui sunt stipatores corpo-  
 ris illius, semper post tergum eius  
 succedere solent, vnà cum *Ca-  
 pugtsibegler*, id est, cubiculariis.  
*Iazigtsibegler*, id est, cancellariis.  
*Eminler*, id est, tributū exactori-  
 bus, videlicet puerorum, & pe-  
 cuniarum. *Spahalar*, id est, leuis  
 armaturæ militibus equestribus:  
 multis *vlachlaris*, id est, nuntiis:  
 & aliis huiusmodi continuè au-  
 lam sequentibus.



*De Conditione Procerum.*

**N**Vllus ex Satrapis possidet  
 prouinciam aut ciuitatem  
 aliquam iure hæreditario, quam  
 post obitum liberis vel suis suc-  
 cessoribus possit relinquere sine  
 consensu sui regis. Sed si aliquis  
 Ducū, vel Principum certas pos-  
 sessiones cupit habere, id illi con-  
 ceditur hac conditione: Initur ra-  
 tio pretii, & redituum illarum  
 possessionum. Cognoscit & Tur-  
 ca, quot milites ali annuo illo cē-  
 su possint: tunc satrapa ille cogi-  
 tur habere illum numerum mili-  
 tum semper promptū ad omnia  
 imperata, alioqui capite plecti-  
 tur: Nihilq; eum à belli comitatu  
 potest excusare, quàm sola aduer-  
 sa valetudo. Et si quando Turcæ  
 placuerit, eum priuare tali bene-  
 ficio,



ficio, in eius est libertate: si autem non deponitur, suum est vsq; ad mortem. Post obitum, si successores defuncti pactum obseruare voluerint, admittuntur: sin secus, aliis prouidetur. Si aliquando aliquis istorum procerum cum rege loquitur, oculos humi defigit, nō audens illius vultum contueri.

*De Bassis: quos Consiliarios, seu Cancellarios, aut potius Secretarios possumus intelligere.*

**O**Mnes Bassæ plerunq; sunt eunuchi (prout mihi narratum est, cū essem mancipium cuiusdā Constantinopolitani satrapæ) qui sunt cæteris eius proceribus, exceptis Sangiachis, potiores apud Turcam, & omnes ferè ex raptis Christianorū filiis

c 5 in



in eam dignitatem prouehuntur. Nullus tamen eorum, etiam si habeat filiam Turcæ in uxorem, ut Hrustan bassa habet, donatur castello, pago, seu villa, quod hæreditario iure possideat: sed si in aliquā dignitatem effertur, illam vel ad mortem, vel donec Turcæ placet, habet.

*De Obedientia, quam Turcæ suo Regi præstare coguntur.*

**N**emo neque ex Ienitseris vel Proceribus armatus, vel gladio accinctus, habet licentiam per ciuitatē incedere: nisi quum Turca venandi aut orandi gratia Palatium egreditur: & si qui sunt custodes ciuitatis aut officiales, baculos gestant: qui vbi litigantes, vel alteri iniuriā seu calumniam inferētes reperiunt, fustibus



stibus eos puniunt. Neque quif-  
piam illi loquens, audet eius fa-  
ciem intueri, sed in terram proci-  
dens deosculatis pedibus eius, fi-  
xis in terram oculis sibi loquitur.  
Et dum Veredarios cum literis  
suis, ad aliquos rectores Prouin-  
ciarum mittit, quorum equi in  
itinere vbi defatigati, & veloci  
cursu lasi fuerint, facultatem ha-  
bet Veredarius quoscunq; in via  
repererit, equis deiicere: qui si in  
itinere neminem offendit, ad Ci-  
uitates, vel pagos diuertit, *Cadia*,  
id est, iudicem aggreditur, qui, si  
illi equum non inuenerit, ante  
ostium domus suæ suspenditur,  
& hanc ob causam pauci equis,  
sed asinis vtuntur. Et quum talis  
nuntius ad eos, ad quos missus  
est, peruenerit, à quibus honori-  
ficè exceptus, literis eorū Regis  
magna



magna cum humilitate acceptis,  
& deoscularis, mandatis eius mi-  
raceleritate exequutis, dimitti-  
tur. Nemo ibi princeps qui illi  
contradicat, nulla Prouincia vel  
Ciuitas (vt fit apud nos) quæ  
rebellet, nullus demum qui illum  
non timeat.

*Quo pacto Turce Vires dimi-  
nuuntur.*

**T**urcarū Imperator ex æquo  
omnes Prouincias suis Pro-  
ceribus, ea tamē cōditione distri-  
buit, vt eius Prouinciæ rediti-  
bus miles cōtinuē, tam tempore  
pacis quàm belli alatur: nūquam  
vires occiso milite amittit, nisi  
amittat & Prouinciam. Exempli  
gratia, si Imperator Turcarum  
nunc habeat quadringentos mi-  
lites, quorum centum Hunga-  
riæ



riæ prouentibus sustententur, ibi  
amissa Hungaria amittit centum  
milites: si verò nullā amittit Pro-  
uinciam, & totum amiserit mili-  
tem, nihil amisit: quia in eorum  
loca, etiam si plures cupit, inue-  
niri facile possunt: nō secus quā  
apud nos beneficia Ecclesiastica,  
vel alia officia vacātia, facile pos-  
sessorem inueniunt.

*De Conditione Chazilariorum.*

**M**ilites *Chazilar* vocati, stre-  
nui, & iure militari miro  
modo exercitati, qui in primo  
congressu lanceas frangunt cum  
aduersariis suis, nulla prorsus ar-  
matura, præterquā clypeo, ha-  
sta, framea vrentes more nostra-  
tum, vt puta lorica, galea: sed fra-  
ctis hastis, euaginata framea, cly-  
peo sese defendentes, viriliter pu-  
gnant



gnant, semper capiti, manui aduersariorum insidiantes, aduersarios totis viribus extinguere nitentes. Punctura autem gladii, hostem, vel equum ferire, nō laudi, sed ignominia ducitur apud eos. Hi omnem vitā, & salutē in protectione Fortunæ Deæ, ipsorum lingua *Nassup*, siue *Ctsutarā* dicta, habētes, cuius apud omnes prouerbiū istud celebratissimum est, *Iazilan Gelur Bassina*, quod ita potest interpretari lingua Latina: *Iazilan*, id est, scriptura: *Gelur*, id est, veniet: *Bassina*, id est, capiti: quasi dicerent, quicquid die natiuitatis vniuscuiusvis Fortuna Dea capiti inscripserit, id euitare impossibile erit, etiam si latitaue rit in arce inexpugnabili. Horum enim gesta carmine in historiis descripta, ab omnibus recitantur,



tur, vt & cæteri eadem audacia (honoris & laudis studio exciti) fortiter, & intrepidè hostem aggre-  
diantur. Cæterùm pro quali-  
bet victoria talium, stipendia du-  
plicuntur, ita quòd omnes prædi-  
cti equestres debent regem se-  
qui, instructi his armis, lācea, fra-  
mea, sagittis, claua ferrea: alii ha-  
bent clypeos, alii non, & semper  
accipiunt stipendium, tam tem-  
pore pacis, quàm belli.

*De Ordine peditum.*

**P**Rimus ordo peditum est so-  
lachlarum, id est, sagittario-  
rum. Tales vtuntur arcu, sagittis,  
frameis: differunt pileis à lenitfe-  
ris. Secundus ordo est lenitfero-  
rum: illi etiam habent arma simi-  
lia T solachlarum: pro arcu tamē  
& sagittis harcabusō vtuntur, &  
vna.



vna securi. Tales omnes collecti  
à Christianis ibi de gentibus sub  
tributo, vi abrepti circumcisi, in  
loco *Tsarai* dicto, educati, contra  
Christianos pugnant strenuissi-  
mè, & habent satis exigua stipen-  
dia victui: videlicet alius qua-  
tuor, alius quinque vel sex nūmos  
*Ahtse* vocatos, qui sexaginta Co-  
ronatum conficiunt: & hi sub  
poena vitæ non possunt equitare,  
nisi ægrotent. Reperiuntur etiam  
ex filiis Turcarum facti lenitseri  
quamplurimi. Tertius ordo pe-  
ditum Azaplarum est, quorum  
finito bello finitur & stipedium:  
& sunt omnes filii Turcarum.  
Tales vtuntur longiori hasta, fra-  
mea, pileos habent rubros, vel al-  
terius coloris ex panno, cum qua-  
tuor angulis corniculatis, *Tachia*  
dictis, & differunt à lenitseris &  
Solach



Solachlaris vestitu atq; armatura: tales perfodiunt hostiū equos in bello. Deinde aliud genus pedatum ex Vualahia sectæ Græcorum, *Voinichlar* vocati: hi nihil aliud habent stipendii à Turca, quàm quòd immunes sunt à tributis solutione, & decimis. Tales tenentur otiosos equos Regis Turcarum propriis sumptibus alendo, curamq; illorum gerendo, ducere tempore belli.

*De Tentorijs Regis Turcarum.*

**C**UM Constantinopolim relinquēs Turcarum Rex ad bellum proficiscitur, duo vsurpans tentoria, cognomento *Satorlar*, cū hodie alterum pro eo tenditur, alterum ad proximam mansionem figitur, vt ibi postero die recipiatur. Magnitudo taber-

D na



naculi tanta est, vt procul visentibus vrbs videatur: in proximo castrametantur Principes, & ambiunt Regis sui tabernaculum: deinde equites, qui vel singuli, vel terni tentoriũ habent. Etiam pedites habent propria tabernacula: id enim ex disciplina habet, ne quis sub dio cubet. Ituro exercitui stratores viam faciũt, hinc inde collocãtes acervos lapidum, vel strues lignorum, ad indicium viæ, adeò vt ne in tenebris quidem facilè erretur. Mouet se media nocte, & vsque meridiem sequentis diei in agmine sunt. Inter equitandum Rex in medio duorum Bassalarum cum illo colloquentes incedunt, quos præcedunt aliquot lenitserorum ordinis milites in equis, ferentes candelas ardentes: & hoc fit tempore noctis



noctis obscuro. Deinde *Tsauslar*, id est, Capitanei, clauas habentes ferreas, vndique cuspidatas, pellunt homines à conspectu Regis, ad iactum, vel cursum sagittæ. Ibi *sulhtarlarum*, id est, stipatorum copia, inter quos currus cinædis pleni, in vsum Turcæ, & Procerum. Subsequuntur & præcedunt iam dicti Duces cum maximo milite equitum, & peditum, & diuersæ conditionis hominum, alii habentes stipendia, alii quæstus gratia & lucri, masculi tantum, nullas secum ducentes mulieres.

*De Vectura animalium.*

**D**Einde sequitur multitudo Camelorum, mulorum, equorum (interdum solent & Elephantibus eorum lingua *Phil* dictos, deducere) portantes victualia, tentoria,



toria, & similia militi necessaria. Et vbi figitur tentorium Turcæ, ibi iam singula suo ordine tanquam in vrbe parari debent. Ibi locus Sartorum, Pistorum, Macellariorū: alii parant epulas carniū omnium generum, qui si non potuerint habere carnes recentes, tunc exponunt ea quæ ab animalibus vehuntur, videlicet, panes bis coctos, carnes siccas, *Pastarma* dictas, caseum, lac coagulatum. Sunt enim patientissimi famis, sitis, frigoris. Rarò hospitantur in vrbibus, sed in agris sub tentoriis, circa fœnilia & riuos, maiorem gerentes curā animalium, quàm sui ipsorum, paruo & satis vili cibo contenti, videlicet, dicto lacte coagulato aqua temperato, & immisso pane, vel recenti, vel bis cocto, serui pariterq;



terq; domini. Ibi silentium tempore noctis magnum, adeò vt captiuos fugientes negligant, ne clamor excitetur, ob pœnam iniunctam: sed cùm vadunt cubitum, & cùm surgunt ad proficiscendum, omnes alta voce clamant hæc verba, ter repetentes, *Allah Allah Allahu*, id est, O Deus, ter repetitum.

*De Iustitia quæ exercetur  
in bello.*

**T**Anta seueritas disciplinæ fit in bello, vt nemo militū ausit aliquid iniuste rapere, alioquin siue misericordia puniretur: habentur enim inter eos ordinarii custodes, siue defensores earum rerum, quæ in via occurrunt militi, vt pueros octo vel decem annorum portâtes vena-

D 3 les



les panes, oua, fructus, auenam,  
& similia. Tenentur quoq; defen-  
dere dicti præfecti hortos fructuū  
circa viam sitos, adeò vt nec ipsi  
audeant vnum pomum, vel hu-  
iusmodi simile, sine licentia pos-  
sidentis carpere: alioquin & tales  
capitis pœnā luerent. Cùm essem  
in exercitu Turcæ in expeditio-  
ne contra Persas, vidi Tspahiam  
vnā cum equo, & ministro decol-  
lari, quòd solutus equus arua cu-  
iusdam ingressus fuerat.

*De Festo celebrando ob victo-  
riam Turcæ.*

**C**Um renuntiatum fuerit de  
victoria, in omnē lætitiā  
se se effundunt ciuitates. Noctu  
autem sub primam facem, auspi-  
cantur triumphalem istam festi-  
uitatem, funalia, cereæ tedæ, fa-  
ces,



ces, vbiq; disponuntur: stragulis, aulæis, vestibus holosericis ædes velantur, & via qua intraturus est Imperator Turcarū. Triumphum autem verū reportat Constantinopolim, vbi continuè residet, si non agit bellum in aliquas regiones. Legibus tamen tenetur tribus annis elapsis ipsemet suscipere expeditionem in regiones Christianorum, pro amplificatione regni, vel defensione.

*De Venatione eorum.*

**N**Vlla natio sub sole tantum gaudet venatione, quantum Turcica. Penetrant enim insequēdo feras loca aspera & motuosa in equis, capientes diuersa animalia: & si animal extinctum à canibus suffocatum fuerit, illo non vescuntur neque ipsi, sed nec

D 4 Christ



Christiani inhabitantes illas regiones. Et si casu occidunt aprū, dant illum Christianis illarum regionum, quia Musulmanis prohibitum est vesci porcorum carnibus.

## DE OPERARIIS ET AGRICOLIS.



Ufici per seruos suos agros colunt, qui decimam depēdunt suo Imperatori. Opifices verò artibus mechanicis se sustinent. Qui otiū colunt, fame contabescunt. Mercaturam quoque strenuè exercent. Asiam minorem, quam nunc Natoliam vocant, Arabiam, Aegyptum peragrunt, ad Venetos sese deferunt.

Baln



Balnea in singulis ciuitatibus habent, vbi solenni more, bis, vel ter se lauant. Si reddunt vrinam, mutonem, siue mentulam lauant. Si ventrem soluunt, podicem abluunt: idem fit à mulieribus. quos sequuntur serui, vas aquæ plenum gestantes, masculum masculus, & foeminam ancilla. Et cum exeunt lauatum, mulieres vngunt se quodã genere vnguenti, quod post mediam horam pilos cadere facit. Viri ipsimet radunt muttones, nec quouis modo sinunt crescere pilos, sed singulis mensibus bis vel ter ita faciunt, tam masculi quàm foeminæ: & maximè cum tēpla frequentant, alioquin ignibus (vt violatores sacri loci) traderentur. Habent etiam diuersos artifices, vt sartores, sutores, auri, argenti, & omnis generis metalli

D 5      fabr



fabros, similiter carpentarios, pictores, lapicidas, sed nō tam subtilis & præstantis ingenii, vt in istis partibus nostris.

*De Iustitia apud Cines.*

**I**udicem omnes habent eundem, tam Christiani, quàm Turcæ: ex Musulmanis tamen vnū electum, qui ex æquo omnibus ius ministrare tenetur. Si quis occidit, ipse quoq; mortē subire debet. Si quis furatur, aut violenter rapiat, suspenditur: vt contigit lenitsero cuidam, qui mulierculæ cuiusdam portantis in forum venale lac ebiberat, non soluendo pretiū, cū accusatus coram iudice negaret factum, pedibus sursum suspensus, chorda q; per mediū ligatus, lac statim euomit, atq; ilicō iudicio strangulatus.



latus. Hoc me præfente in Damasco contigit, cum ex Armenia Hierosolymam proficiscerer. Si aliquis adulterium commiserit, masculus in carcerem coniectus, post aliquot menses pecunia redimitur: & mulier videlicet adulterata, super asinam vicatim & plateatim ducitur, flagris cæditur denudata, & lapidatur, viscera bovis in collo habens.

*De Agricultura.*

**T**Am Christiani, quàm Musulmani, agros, vineas, & pascua colunt, habentes frumentum simile nostrarum regionum, tritici, milii, hordei, avenæ, filiginis, fabarum, & omnium generum legumina: in super oryzam in abundantia, lini, bombacis, plus quàm hæ regiones. Vineta quoq; vtraq;



utraq; gens possidet, fructu eius  
variè vtentes. Christiani vinum  
conficiunt, & Turcæ mel eorum  
lingua *Pecmez* vocatum: vuas  
passas quasdam ita medicantur,  
vt semper & visu, & gustu recen-  
tes appareât, has *Vzum Turssi* vo-  
cant. De fructibus in magna co-  
pia habent. Ibi peponum, melo-  
num, cucumerum, suo tempore  
horti & agri repleti. Ibi nûces, po-  
ma, pyra, mala punica, nûces ca-  
staneæ, ficus, cerasa, poma narran-  
za, & alia id genus vili pretio, sed  
nô in omni regno. Sunt etiã loca,  
vt passim in Cappadocia & Arme-  
nia minori, vbi nihil horû (pro-  
pter validũ frigus) possunt habere.

*De Diuersitate animalium.*

**H**Abêt opiliones *sobanlar* ap-  
pellatos: hi semper in soli-  
tud



tudine degunt, & ad pabulū singulis ferē mensibus sedes mutant, nullas prorsus domos, vel possessiones præter tentoria, & greges armentorum possidentes, sed pascunt camelos, mulos, equos, boves, oves, & hœdos: conficiunt caseum, butyrum: tondent lanam, inde faciunt penulas *Ghepenech* appellatas, tapetia: ea vendunt, & inde emunt frumentum ad victum suæ familiæ. Omnes prædicti dependunt decimas Regi Turcarum, de omnibus quolibet anno creatis animalibus. Insuper Christiani sub tributo viuentes, coguntur dare tributum, videlicet, de quolibet masculo vnum coronatum: &, quod est crudelissimum, etiā filios omnes vxores non habentes, vi abripiunt, singulis quinque annis perlustrantes domos eorum.



*De Aedificijs domorum.*

**I**N ædibus non multa magnificientia: pleræq; latericio opere constant, duplici ex materia: sunt enim lateres, alii fornacibus, alii sole excocti. Tecta cuneatim coeunt, quemadmodum hic, & hoc in tota Europa: sed in Natolia tecta plana sunt in modū tabulati, sine vlllo fastigio. Sciphones, & canales aquæ pluuiam demittunt, quæ ad illos per cylindrum deuoluitur.

*De Vestimentis eorum.*

**C**ultus illis ex materia lanæ, lini, & serici, satis magnificus. Veste *Chautan* vocata, vtuntur stricta, laciniosa, & vsq; ad talos proluxa: brachias nostras de- testatur, vt nimium pudenda ex-  
prim



primentes. Indusia *Gumlech* dicta, sudariola violaceo colore tingunt. Caput illis aggestu pepli in turrim ædificatur, & in pyramidem turbinatur, & talis pileus *Tulbent* siue *salma* eorum lingua vocatur. Mulieres diuitum velata facie incedunt, nunquam alienis viris vultum aperiunt, nunquam forum frequentant. Calciamenta *Babucs* vel *Csisme* dicta, tam viro-  
rum quàm mulierum, in solo sup-  
actum habent, vt diutius illis vti  
possint.

*De Cibarijs illorum.*

**V**Tuntur & ipsi quoq; non  
pessimo pane *Echmech* di-  
cto, nigro & albo, quemadmo-  
dum & nostrates: sed illi spargunt  
quoddam genus seminis *sussam*  
vocatam, super recentem panem,  
postea



postea coquitur, quod tribuit magnam suauitatem manducantibus, quo nusquam vtuntur nostri, præterquã in Hispania passim in quibusdã locis, videlicet in regno Granatæ, & circa Ciuiliam. In eduliis illis multiplex ars, & varia conditura: cibus verò maximè solennis est, puls ex oryza, ita addensata, vt partes inde manibus decerpantur. Piscium mirabilis abstinentia. Carnibus omnibus vtuntur, præter porcinis. Nullæibi tabernæ hospitii designatæ, aut publica diuersoria, quẽadmodũ apud nostrates, tamẽ in plateis diuersa venduntur cibaria, & alia huiusmodi ad victum necessaria.

*De Potu illorum.*

**T**Riplex illis potus: Primus ex succaro, ab illis *sechervocato*,



cato, aut melle diluto aqua: *Tserbeth* appellatur is potus. Secundus ex uvis passis detractis acinis in aqua decoctis: additur deinde aqua rosacea, & aliquantulum veri mellis, & hic potus *Hossaph* vocatur, & venditur ubiq; locorum in Turcia: est enim dulcis, & inflat ventrem. Tertius fit ex illo defruto *Pechmez* appellato, quod ex musto factum, speciem mellis præ se fert gustu & visu: diluitur enim aqua, & datur seruis ad bibendum.

*De Modo sedendi, & comedendi.*

**C**um māducandum est, subiiciunt storeas *Hactser* vocatas, deinde insternunt tapetia, aut puluinaria. Alii in nuda humo discumbunt. Mensa illorum

E

*Tsop*



*Tsophra* dicta, ex corio fit, & explicatur, & contrahitur, vt marsupium. Non assident nostrorum more, nec discumbunt veterum ritu, vt cubito innitantur, sed decussatim pedibus inter se complicatis, more fartorum. Antequam cibum sumant, oratio præmittitur. Raptim comedunt, & magno silentio: interim omnes uxores in abdito tenent. Serui verò post duodecimum annum, non permittuntur domum, vbi mulieres sunt, ingredi, sed infra duodecimum annum pueri ingredientibus, & egredientes deferunt maioribus necessaria, qui in alia domo segregati procul habitant. Captiue verò non habent licentiam egrediendi foras, nisi cum mulieribus Turcarum, cum vadunt in balnea lauatum, vel aliò extra urbem



bem recreationis causa in hortos  
 & vineas (quod sæpe facere so-  
 lent) sed semper in domibus lati-  
 tantes operantur, nec permitti-  
 tur illis cum captiuis seruis con-  
 uersari, prout suo loco, videlicet  
 in sequenti capitulo de Affli-  
 ctione captiuorum, le-  
 gentes latius in-  
 telligere po-  
 terunt.

\*

S A L



## S A L V T A T I O

Turcarum, Persarum, &  
Arabum, hæc  
est.

*Sellam aliech Tsultanum.*

Pax tibi Princeps.

*Sellam aliech Baba.*

Pax tibi Pater.

*Sellam aliech Ana.* Pax tibi Ma-  
ter, &c. Ita & alios seriatim se-  
cundum dignitatem personæ sa-  
lutare licebit.

R E S P O N S I O  
eorum.

*Alechmi Sellam Rahmatullah.*  
Et tibi quoq; pacem donet mi-  
sericors Deus.

*Berechyat*

Benedictionem

*tsendigum.*

amice mi.

D I A L



**DIALOGVS IN**  
 interrogationum, & responsio-  
 num Turcæ cum Christiano.  
 Et primò Turca ad Christianum,  
 hoc modo:

*Handa gidertsen bre Giaur?*  
*Quò vadis ô Christiane?*

**R E S P O N S I O**  
 Christiani.

*stambola giderum Tsultanum.*  
 Constantinopolim versus pergo  
 Princeps.

**T V R C A.**

*Ne issum var bu memleketten?*  
 Quid negotii habes in his regionibus?

**C H R I S T I A N V S.**

*BeZergenlik ederum, Assendi,*  
 Mercaturam exerceo, Domine.  
 vel, *Maslahatom var anadolda.*  
 Mihi negotium est in Asia.

**B 3**

**T V R**



TVRCA.

*Ne habar scizum gilerden?*  
 Quid noui fertur in vestris par-  
 tibus?

CHRISTIANVS.

*Hits neste bilmeZom tsaa dimege.*  
 Nescio quid noui scire cupis, vt  
 dicam tibi.

TVRCA.

*Gioldassum varmi tsenumle?*  
 Est'ne tibi comes?

CHRISTIANVS.

*Ioch, IalanuZ gheldum.*  
 Non, sed solus veni.

TVRCA.

*Benumle gelutmisun?*  
 Mecum placet'ne venire?

CHRISTIANVS.

*Irachmider tsenum iataghom?*  
 Est'ne procul tuum hospitium?

TVR



T V R C A.

*Iachender bundan gustereim tsa.*  
Prope est, hinc ostendam tibi.

CHRISTIANVS.

*Gel ghusterinere Allaha tseuertson.*  
Veni ostende, si Deum amas.

T V R C A.

*Kalch iochari tur bonda.*  
Erige te sursum, sta hic.

CHRISTIANVS.

*Hanghi daraftan der bilmezum.*  
In qua parte est, nescio.

T V R C A.

*Tsag eline bacha ghun doghutsine.*  
Ad dexteram respice ad orientem.

CHRISTIANVS.

*Bir buch eVV atsarghibi*  
Vna alta domus tãquam castellũ  
*gurunur omider?*  
apparet, illudne est?

E 4

TVR



## TVRCA.

Gercsekson oder, iaken deghilmir?  
 Verus es, illud est, ppe nonne est?

## VALEDICTIO.

## CHRISTIANVS.

Alaha	tsmarladoch	tseni.
Deo	commendo	te.
Ben	oraa	gitmezom.
Ego	illac	non ibo.

## TVRCA.

Bre neden korkartsö? nitcie gelmetsö?  
 He quem times? quare nō venis?

## CHRISTIANVS.

Benum	iolum	oraa	deghelder.
Meum	iter	illac	non est.

## TVRCA.

Vargeth tsagloga eier ghelmefon.  
 I bonis auibus, si non vis venire.

CHRI



DIALOGVS.

71

CHRISTIANVS.

*Gegsien hair oltson.*  
*Nox fausta tibi sit.*

TURCA.

*Aghbate hair oltson.*  
*Et tibi foelicior.*  
*Ben kurtuldom tsoch succur Allaha.*  
*Ego liberatus sum, summa laus*  
*Deo.*

Hæc pauca Turcicæ linguæ vo-  
cabula tibi non necessitatis, sed  
delectationis gratia, generose le-  
ctor, adiunxi: vt scias quàm sint  
crassa atque barbara. Faxit  
Deus Opt. Max. vt illis  
nostra magis, quàm  
nobis eorū sint  
necessaria.  
Vale.

■ 5



IOAN. GOT. CHRISTIA-  
NO LECTORI.

\*

*Afflictū à Turcis uis Christū noscere Lector?  
Membra libro hoc Christi dilaniata leges.  
Christi adū ut manib<sup>9</sup> manicas, funesq; lacertis,  
Et collo inſiciat uin cula Turca ferox;  
Vt pecudis ritu hos uendat, (ſi forte quis ager  
Occidat, ille feris obuia præda iacet).  
Vt profugi trabibus nantes mergantur in undis  
Paſſim: bis captos ut mala dira premant:  
Fiat & ut Christi myſtes agitator aſelli,  
Lignum uendat, oves paſcat, aretq; ſolum:  
Vt Mahumetæo iuuenesq; ſenesq; tyranno  
Annua dependant lege tributa pari:  
Vt doleat mater coram ſua pignora cernens  
Seruitio abduci, Rex Solymanne, tuo.  
Denique tormenta inuenies hoc ſcripta libello  
Horrida, Chriſtiadum quæ pia turba luat.*

DE



DE AFFLICTIONE  
TAM CAPTIVORVM,  
quàm sub tributo viuentium  
Christianorum. CAP. II.

*Quomodo Christiani in bello à  
Turcis capti distra-  
hantur.*



VSCIPIENTI  
Turcarum Impera-  
tori aduersus Chri-  
stianos expeditio-  
nē, inter reliquos  
mercatores semper comes est in-  
gens turba mangonum, & lani-  
starum, camelis infidētium. Hi in  
spem mancipiorum longissimas  
catenas secum deferunt, in qui-  
bus facilè quinquageni aut sexa-  
geni



geni per seriem colligatur. Iidem quoscunq; non absumit hostilis gladius, à prædatoribus emunt, quod illis ea lege permissum est, si principi decimas mancipiorum præstent: reliquos ipsis vel in suum vsum, vel ad nundinationē detinere fas est, nec vlla apud illos vberior aut frequētior mercatura, vt & olim apud Romanos fuit, qui merces nullo vitio emptas, & in quibus euictio timeri non debuit, res mancipi appellabant.

*Quibus rebus Turcarum Imperator suos captiuos destinet.*

**S**enes & vtriusq; sexus iuuentutem, quæ illi decimarum nomine obtigit, ita discernit, vt grandiorē ætatem ad agriculturam vendat, qui tamen rarissimè capiunt



capiuntur: rarò enim eis parcunt,  
quos ætas multorum annorum  
parum vèdibiles fecit. Puellas ve-  
rò & iuuenes ad certum locum  
relegant, qui ipforū lingua *Sarai*  
vocatur, vt ibi certis artibus in-  
struantur, quò illis in posterum  
commodius vtantur. ac primū  
id agitur, vt abnegata Christiana  
fide, circuncidantur. Iamq; eo-  
rum cæremoniis initiati, diligen-  
ter pensitatis per Physiognomiā  
liniamentis corporis, pro cuiusq;  
indole, vel ad leges eius gentis di-  
scendas, vel ad militiam destinan-  
tur, si maior vis corporis quàm  
ingenii appareat: danturq; in sti-  
pendium quotidianum duo vel  
tres *Athe* nummi, quos *Aspras*  
vocant, qui sexaginta, faciunt  
vnum coronatū: id ad cibarium  
& vestiariū sufficere arbitran-  
tur,



tur, donec in expeditionem sit,  
abeundum. Rudimentis militiæ,  
ita imbuuntur: primum pro tene-  
ritudine virium datur leuior ar-  
cus, mox crescente robore & pe-  
ritia, grandior ac grauior, donec  
bello sit idoneus. Adest magister  
seuerissimus exactor quotidiani  
exercitii: quotiescunq; à scopis  
errant, toties flagris cæduntur:  
atq; isti ascribuntur ordini *sola-  
clarorum*, id est, sagittariorum. Alii  
in hoc erudiuntur, vt lenitseris  
cooptentur. Isti quoq; suos præ-  
ceptores habent, qui illos ad quo-  
tidianam batuationem cogunt:  
bini inter se baculis decertant.  
Reliqui proh nefas, in quibus ma-  
ior gratia formæ, ita abscindun-  
tur, vt nihil virile in toto corpo-  
re appareat, grauissimo cū disci-  
mine vitæ: quod si euadant, non  
in al



in aliud sunt incolumes quàm in obsequium sceleratissimæ libidinis: mox fenesciente pulchritudine, ad officia eunuchorum, vt matronas seruent, deputantur, aut custodiendis equis & mulis, aut culinæ ministeriis addicuntur.


*Quomodo agatur cum puellis, & reliquis mulieribus.*

**Q**Væ luculentæ pulchritudinis sunt, eliguntur in concubinas: mediocres dantur matronis ad officia pedissequarum, inter quæ adeò sunt nonnulla fœda ministeria, vt honestè dici nō queant: coguntur enim illas sequi cum vasculo aquæ, quando ad exonerandum alium, & perpurgandum eas partes egrediuntur. Aliæ ancillaribus operibus, vt textrinæ, mancipantur. Nullis ex omnib



omnibus liberum est vel Chri-  
stianā fidem reseruare, aut spem  
libertatis, quā diu viuit, concis-  
pere.

*Quomodo reliqui Turcæ cum mans-  
cipijs agant.*



**H**Actenus quid Imperator  
Turcarum agat, diximus:  
nunc quid priuati isti, cū pri-  
mū nouitios adepti sunt, omni-  
bus minis, promissis, blanditiis  
agunt,



agunt, vt recens mancipium circuncisionem admittat: id vbi fecerit, humanius aliquāto tractatur: cæterum spes redeundi in patriam planè abscissa est: conanti enim id poena incendii destinata est. Hi quia firmiores creduntur, ac mimis fugaces, à dominis ad ministeria castrensia assumuntur: libertas tum demum competit, vbi vel ipse annis inutilis potius reiicitur à domino, quàm dimittitur: vel vbi dominus in bello inter pericula mortis libertatem legarit. Matrimonia illis quidem permessa sunt, sed liberi eorum pro arbitrio Domini distrahuntur: quæ res sapiētiores à nuptiis abhorre facit. Alios qui circūcisionem repudiant, immaniter tractant: quam miseriam per tredecim annos expertus sum, nec

vllis



vllis verbis cōsequi possum, quid  
sit calamitatis in hoc genere vite.

*Quomodo agitur cum Christianis  
artium Mechanicarum  
ignaris.*

**D**Vrissima illorum sors est,  
qui artes mechanicas non  
didicere: eæ enim solæ ibi in ho-  
nore ac pretio sunt: quamobrem  
literati, sacerdotes, nobiles homi-  
nes, qui in otio vitam degerunt,  
vbi in horum manus venerunt, o-  
mniū miserrimè habentur. Man-  
go enim in illos, vtpote vix ven-  
dibiles, nullos sumptus facere su-  
stinet. Hi pedibus capitibusq; in-  
tectis, ac plerunque maiore parte  
corporis nudi inambulant: nul-  
lus enim nouus cultus detritis ve-  
teribus vestimentis succedit. Per  
niues, per saxa, æstates & hyemes  
detrah



detrahuntur, nec finis donec vel  
 moriatur, vel stultum dominum,  
 qui malam mercem emat, inue-  
 niant: talis enim illorum est iudi-  
 catio. Cæterum nemo omnium  
 tam est foelix, cuiuscunq; vel con-  
 ditionis, vel ætatis, vel artis, vel  
 formæ, vt eum in itinere ægro-  
 tantem apud hospitem deponat.  
 Primum cogitur flagris ire. Id si  
 non potest, iumento imponitur:  
 ibidemq; si sedere nequeat, pro-  
 no corpore alligatur, non aliter  
 quàm sarcina aliqua, aut matica.  
 Morientem detractis vestibus, in  
 proximam foueam aut vallem ca-  
 nibus & vulturibus abiiciunt.

*Quomodo recenter capti in iti-  
 nere tractentur.*

**N**on solum perpetuæ catenæ  
 concaptiuos includunt, sed

F 2 manib




manibus quoq; in itinere manicas addunt: passus vnus inter singulos interstitii est, ne se mutuò conculcent: id ideò faciunt, ne à mācipiis lapidentur. Quum enim singuli mangones ingentem numerum ducant, adeòvt decē sæpe quingentos homines concatenatos habeant, vim metuunt tantæ multitudinis, si ad iactum liberas manus haberent. Cæterum vbi nocti concedendū, vinculis quoque pedes onerant, eosq; supinos omni iniuriæ aëris exponūt. Mulieribus verò humanior conditio est: quæ valent robore, pedibus incedunt: teneriores in iumentis vectātur: quæ adeò infirmæ sunt, vt iactationem iumentis non ferant, in corbis tanquam anseres gestantur. Nox illis tristior est: aut enim munitis locis includuntur,



duntur, aut mangonũ impuram  
libidinem pati coguntur. Audi-  
turq; ingēs ploratus per tenebras  
adulescentium vtriusque sexus  
vimpatientium, nec sexennis aut  
septennis ætas miseros à tali fœdi-  
tate defendit, adeò scelerata gens  
& contra naturam & ante natu-  
ram libidine sæuit.

*Quomodo Venality tractentur.*



**V**Bi dies illuxit, in forum ve-  
nales, tanquã greges ouiũ,  
F 3 aut



aut caprarum producuntur. Conueniunt mercatores, statuitur pretium. Si placet mancipium, detrahitis vestibus futuri domini oculis exponitur, inspiciuntur omnia membra, tentantur, explorantur, nunquid vitii in iuncturis aut articulis resideat. Si displicet, reicitur ad mangonem, toties id passurus, quoties empturiens aliquis aduenerit: si placet, abducitur ad grauem seruitutem, ut vel arator, vel pastor sit, ne duriora commemorem. Multa sunt ibi inaudita exempla miseriae. Ceterum homines iugo copulatos aratrum ducere nonnunquam vidi. Ancillae arctissimae habentur in perpetuis laboribus, & extra conspectum virorum, & ne cum cōseruis quidem illis vlla confabulatio permittitur. Si quis cum vxore & liberis



liberis captus fuerit, hunc liberrimè magnates emunt, & villis præficitur, vt curā vel aruorum, vel vinetorū, vel pascuorū agat: nati ex illis, vernæ fiunt. Si in Christiana fide perseuerauerint, statuitur certū tempus seruiendi, quo elapso liberi fiunt: filii tamen eorum nisi redimantur, in seruitute manent, pro domini arbitrio, vel in iisdem sedibus mansuri, vel aliò transferendi: nulli enim ibi sunt ascriptitii glebæ, quibus certa sit sedes seruitutis. Si cupiunt post adeptam libertatem in patriam redire, dantur diplomata commeatus. Verùm illis qui nostram religionem abiurarunt, nec certum tempus est seruiendi, nec vllum ius in patriam redeundi, spes libertatis solummodò pendet à domini ar-

P 4 bitrio:



bitrio: vbi tamen libertatem nati fuerint, soluunt decimas vt cæteri Turcæ: à reliquis tamen oneribus, quibus Christiani premuntur, immunes sunt.

*De illis captiuis, quos pastores faciunt.*

**D**Vra vita agricolarum: durius tamē agunt qui ad pastoritias curas emuntur. Viuendum illis in solitudine, perpetuò noctes & dies sub dio agendum: dominus cum vxore solus in tentorio versatur, & præter tuendi gregis officia, penulas & tapetia succisiuis horis facere coguntur. Singulis mēsis pascua mutant, de montibus in montes se transferentes. Qui humaniores sunt, dant aliquā mercedulam seruis, qualem dimēsum fuisse apud Romanos



manos legimus : id in peculiū cedit, quod conseruant vel in viaticum, si in patriā post libertatem adeptam redire velint, vel ad alias necessitates vitæ. Cæterum id nō vbique fit. Est autem illud miserum blandimentū seruitutis, quo illos à consilio fugæ retrahunt. Illis autem qui Christum abnegarunt, iamq; recutiti sunt, quia certi sunt, quòd non fugient, nihil tale indulgetur.

*De Fuga captiuorum ex Europa.*

**F**Acilior fuga illis, qui in Europa agunt, quàm qui in transmarinas regiones venduntur: his enim præter flumina nihil traiciendum, quæ facilè enantur, maior difficultas in Hellesponto transmittendo. Qui autem fugam instituūt, tempore messis id

F § soliti



soliti sunt facere, vt & facilius in segetibus lateant, & inde victum habeant, noctu autem fuga initur: per diem aut in syluis, aut in paludibus, aut in segetibus sese abdundunt, maluntq; à lupis aliisq; bestiis deuorari, quàm ad veteres dominos retrahi.

*De Fuga ex Asia minore.*

**Q**ui ex Asia fugam moliantur, Hellespontum petunt, inter Gallipolim & arces illas olim Seston & Abydon, nunc autem *Boga* & *Asar* dictas. id interpretari potest, castella faucium maris: ibi enim mare angustissimum est. Hi secum deferunt securim & funes, vt & ligna cædant, & colligant, quò inde ratem faciant ad traiectionem maris: nihil nisi falem secum deferentes, nocte



nocte raticulam inscendunt. Si  
venti & fortuna maris fauet, tri-  
bus aut quatuor horis traiciunt:  
sin minus, aut pereunt in flucti-  
bus, aut ad littora Asiæ reiciun-  
tur. Emisso mari montes petunt,  
polumq; , & bootem inspectâtes,  
ad Boreâ tendunt. In fame glan-  
dibus aut herbis sale cõditis sese  
sustinēt. Si plures societatem fu-  
gæ inierint, noctu opiliones inua-  
dunt. quibus occisis, quicquid ibi  
alimenti inuenerint, secum aspor-  
tant: sæpe tamen & ipsi pereunt  
occisi ab opilionibus, vel ab eis-  
dem capti, & pristino hero tradi-  
ti, ad veterē seruitutem redigun-  
tur. Ceterum longè plures pericu-  
la absumunt, quàm incolumes  
euadunt: aut enim naufragiis, aut  
dentibus bestiarum, aut ferro  
inimicorum, aut postremò fame  
pereunt,



pereunt, cū longior erratio in fuga contigerit.

*De Pœna fugitiuorum.*

**F**Vgitiuis multiplex pœna: alii enim suspensi pedibus dirissimè flagellantur: qui enim homicidium committunt, illis plantæ pedum in multos sulcos cultro rescinduntur, & rescissis fal inspergitur: quibusdam furca ingens ferrea cum ferro collari inseritur, quam dies noctesque in longum tempus gestant.

*De Græcorum, & Armeniorum pietate erga captiuos.*

**M**ortis pœna & cōfiscatio omnium bonorū illis infligitur, qui captiuorum fugam instituunt. Tamen non cessant  
Arm



Armeni & Græci captiuos Christianos apud se occultare, & deformatos suo cultu deducere ad naues Venetas, vel aliorum Christianorum, dantq; viaticum & omnia necessaria, nec vllum pietatis genus omittunt: eandem enim pietatem nostrorum aiunt se experiri, si quando Romam vel Compostellam venerint.

*De Incantatione Turcarum contra fugientes.*

**H**Abēt quoddam genus incantationis, quo inuitos retrahunt. Nomen serui in scheda scriptum suspenditur in tabernaculo, vel domicilio serui, deinde diris verbis & deuotionibus illius caput impetunt: deinde fit vi dæmoniaca, vt fugiens putet sibi in itinere vel leones vel dracones





cones incurrere, vel mare vel flumina contra se exundare, vel omnia tenebris nigrescere, iisq; ter ricultis repulsus ad herum redit.

*Memoriam Christi paulatim in  
prouincijs olim Christia-  
nis aboleri.*

**S**Vpersunt adhuc aliqui, qui  
smeminere expugnationē Cō  
stantinopolis, & regna Græciæ,  
Albania, Valachia, Seruia, quam

*Bosn*



*Bosnam* vocant Turcæ, in prouin-  
cias redacta: illi quidem Christū  
tenaciter retinent, sed iuuentus  
dediscit, breuiq; futurum, vt ple-  
na sit obliuio Christianitatis. Idē  
futurum in Croatia, Hungaria,  
Sclauonia, quæ recentia addita-  
menta sunt, & auctaria Turcici  
imperii.

*Quæ conditio debellatorum.*

**V**Bi prouinciā cepit, omnia  
prouincialiū bona tam mo-  
bilia quàm immobilia in prædam  
cedunt. Nobilitatē stirpitus ex-  
cindit, præcipuè regiam sobolem.  
Et quòd nunc Ioānis Regis filio  
fauent, non alio consilio faciunt,  
quàm si illis Hungaria adimatur,  
eum immittant ad res nouas mo-  
liendas: vbi illis secura posses-  
sio Hungariæ fuerit, haud dubiè  
è vita



è vita tolletur: nam Turcæ in ea  
re nec generis, nec foceris, imò ne  
fratribus quidem parcunt. Cleri-  
cos si non occidunt, omni fortu-  
na & dignitate nudatos ad ludi-  
brium & mendicitatem relin-  
quunt. Campanas omnes & or-  
gana, & alia instrumenta Musica  
templis adimunt, imò ipsa templa  
prophanata suo Mehēmeto con-  
secrant. Misera & humillima fa-  
cella Christianis relinquunt, vbi  
sacra non publicè, sed dissimulan-  
ter & silentiosè faciant: quæ vbi  
vel terræmotu corruerint, vel in-  
cendio deflagrauerint, vel ætate  
computruerint, non licitum est  
instaurare, nisi magna pecunia  
depenfa. Concio & annuntian-  
di Euangelii munus planè inter-  
dicitur: nec fas est quenquā Chri-  
stianum Remp. attingere, aut ar-  
ma



ma gestare, aut simili cultu cum Turcis indui, aut quæ hilarioris vitæ sunt, spectacula edere, vel choreas ducere. Si iniuria fit contumeliosissimis verbis vel tibi, vel Christo, tacendum atque ferendum est. Quod si aliquid indignius contrà loquaris de eorum religione, inuitus circumcideris: tum si hiscas contra Mehemmetum, ignes & incendia tibi parantur. Et si Christianus eques prætereat *Musulmannum*, id est, Turcarum religione initiatū, necessum est, vt de equo descendat, & cernuo vultu sedētē adoret: quod nisi fit, fustib⁹ ab equo deiicitur.

*De sacerdotum & monachorum sub  
Turcæ tributo viuentium  
conditione.*

**S**acerdos & monachus pessima illic conditione sunt, vt  
G sacrileg



facrilegia & scandala Dei & hominum existimātur. Nihil de Ecclesia accipiunt : feriatis diebus pauxillulum panis à mulierculis nonnullis porrigitur: cæteris diebus nihil datur. Ipsi lignationibus viuunt: nam mos est, vt ligna in syluis cēdāt, hisq; dorsum a selli onerāt, ea cū merce per omnes plateas ambulant, ligna venalia proclamantes.

*De Tributis Christianorum.*

**Q**uartas omnium fructuum dant Christiani : & istiusmodi quartatio non solum ex prouentibus agrorum & pecorum colligitur, sed etiam mechanici de suo quæstu quartas dependūt. Deinde est & aliud onus capitationis, qua singuli, quotquot sunt in vna familia, singulos ducat :



ducatos soluunt. Si parentes soluere nequeunt, ad liberos suos in seruitutem vendendos compelluntur. Alii in catenis vincti, ostiatim obambulant ad stipem emendicandum quòd si ne ita quidem soluendo fiunt, perpetuis carceribus m̃cipantur. Iam cùm omnia officia pr̃stiterint, adhuc semper ius est Turcæ optimum quenque ex liberis deligere, quem circumcisum summotumq; à conspectu parentum in militiã alit, nec vnquam ad parentes redit: & primum, quia puer facilè Christum obliuione dediscit, mox etiam parentes & consanguineos, adeò vt si inter eos versetur, neminem suorum agnoscat. Nemo verbis id explicare potest, quibus lacrymis, gemitu, singultib; & fve, istiusmodi diuulsio fiat. Pater filium,

G 2

quem



quem in cultum Christi educauerat, rapi videt ad militiam Sathanæ, ut Christum oppugnet: filius abstrahitur à parentibus, perpetuò inter alienissimos victurus, quicquid charum est sanguine, fodalitate gratum, familiaritate amicum, relicturus: postmodum in eorum numero futurus, quos Græci ἀπ' ἁγίας & ἀμύχτας vocare solent. Et hi quanquam magnopere à fide Christiana degenerarunt, plerique tamen eorum, Evangelium Ioannis pro amuleto certissimo sub axillis portant, videlicet, In principio erat verbum, Græcè aut Arabicè scriptum totum usque ad finem: qui summo opere magnoque cum desiderio Christianorum gladium (de quo vates Turcicus loquitur, ut in sequenti capitulo intelligetur) expectant,



pectant, ad vindicandum, & liberandum Christianos de Afflictionibus, & persecutionibus eorum. Qui, quòd haectenus contra eos non maturauerit, quicunq; sunt in causa & quocunq; animo id faciant, pessimè profectò de Christiana religione mereri videntur. Nunc amisso fratre Georgio Cardinali Varadiensi (proh nephas) quàm citò amisimus Temesuarū? doleat nunc Hungaria, ploret Transsylvania, caueant posthac sibi Polonia, Lituania, Russia, Prussia, Moschouia, Datia, Dania, Cotia, Noruegia, & Suetia. Idem prædicatur & de Austria, Morauia, Slesia, Bohemia, Saxonia, Germania, Anglia, Scotia, Hispania, & Francia. Nec foeliciora speret Roma, Venetia cum tota Italia. Faxit (precor) Deus, vt hæc

G 3 foelic



foeliciores, quàm suspicor, finem  
assequantur.

DIALOGVS SALVTA-  
tionum Linguæ Scla-  
uonicæ.

SALVATIO.

*Pomozi bogh gosspodaru.*

Adiuuet Deus patrone.

RESPON.

*Dobro dossao priyateliu.*

Bene venisti amice.

INTER.

*Ieli ouay pravi puti v Kalipolie?*

Est'ne hæc recta via in Calipolim?

RESPON.

*Ni brate, zabludioši daleko.*

Non frater, deuiaſti longè.

INTER.

*Od koiesi zemlie? kažuimi.*

Ex qua es regione? indica mihi.

RESP



## R E S P O N.

*Od Vlaske Zemliessam, od Benetak.*  
 Ex Italarū regiōe sum, è Venetia.

## I N T E R R.

*Vkasi mi puth prauī takoti boga.*  
 Ostēde mi iter rectū propter deū.

## R E S P O N.

*Hodi ssamnon neboisse ništar.*  
 Veni mecū, nec timeas quicquā.

## I N T E R R.

*Iea d koie glasse imas, Kažuimi.*  
 Si quid noui habes, indica mi.

## R E S P O N.

*Ne takomi vire da žnā prouidalbīh ti*  
 Non ad meam fidem, si scirem  
 indicarem tibi.

VALEDICTIO ET GRA-  
 tiarum actio eorum.

*Ostai žbogō brate, onie grad Kamogres*  
 Mane cum Deo frater, illa est ci-  
 uitas quò pergis.

G 4 R E S P



## RESPON.

*Poi Zbogom i bogh te Zdravo nosio.  
 I cū deo, & deus te icolumē ferat.  
 Hualu ti imam i dobrati nots bila.  
 Gratiam tibi habeo, & fausta ti-  
 bi nox sit.*

## DOMINICA ORATIO

*Sclauon. Ling.*

*Otse naß, ki yeßi na nebeßi,  
 Pater, noster qui es in cœlis,  
 ssuetisse ime tuoie.  
 sanctificetur nomen tuum.*

*Pridi Kralyeußtus tuoie, budi  
 Adueniat Regnum tuum, fiat  
 volia tuoia, Kako na nebu i  
 voluntas tua, sicut in cœlo &  
 na Zemlij. Kruha nassaga  
 in terra. Panem nostrum  
 ssagdaniega dai namga danass, i  
 quotidianum da nobis hodie, &  
 odpusc*



odpusciainam dughe nasse, Kako  
 dimitte nobis debita nostra, sicut  
 i mi odpusciamo dusuikon  
 & nos dimittimus debitoribus  
 naszym, i nepeliai nats  
 nostris, & ne nos inducas in  
 napast, da izbau nats od  
 tentationem, sed libera nos à  
 nepriažni, Amen.  
 malo, Amen.

## SALVATIO

Angelica.

Zdraua Mario milosti puna,  
 Aue Maria gratia plena,  
 gosspodin stobom, blasena ti meu  
 dominus tecum, benedicta tu in  
 senami, i blasen tsad  
 mulieribus, & benedictus fructus  
 Utrobe tuoje Iesus Kristus. Sueta  
 ventris tui Iesus Christus. Sancta

G S dino



diuo Mario, maiko bosya,  
 virgo Maria, mater Dei,  
 moli Zanats grisniche tsada  
 ora pro nobis peccatoribus, nūc  
 i v vrime smerti nasse, Amen.  
 & in hora mortis nostræ, Amen.

## P E R E G R I N V S

Lectori s.

**V**isum est nobis humanis.  
 Lector, nonnulla vocabula  
 Sclauonicę linguę addere, vt scias  
 quàm differat Sclauonica à Per-  
 farum lingua, qua Turcæ vtun-  
 tur. Scias etiam, quòd omnibus  
 hac lingua peritis tutò adire licet  
 Croatiam, Dalmatiam, Russiam,  
 Valachiam, Seruiam, Bohemiam,  
 & Poloniam, quamuis propter  
 prouinciarum distantiam in qui-  
 busdam vocabulis ac prolatione  
 nonn



nonnihil differant, vt Itali ab Hispanis, Germani à Flandris. Nec te lateat, Ruthenos ac Seruios eadem lingua vti in officiis diuinis : habent enim xxxiiii. litteras Græcis non multum dissimiles. Sic etiã Crotati: sed horum literæ plurimùm ab illis differunt forma, numero tamen & prolatione similes sunt. Et ideò impossibile est nobis Latinis characteribus, ipsorum vocabulorum veram prolationem imitari. Turcæ quoque eadem lingua in aula eorum Regis, & in confiniis Sclauoniæ versantes, vtuntur.

Vale.



IOANNIS VERSOSAE CAE-  
SARAVGVSTANI TE-  
TRASTICHON.

\*

*Hinc alacres in bella animos, hinc sumite vires,  
Et gladium in seuos stringite utrunq; Getas.  
Ecce ut predicunt Turcarum oracula Genti  
Ipsa suae, à uestris viribus interitum.*

*Idem in disputationem.*

*Hic praebet proprijs Mahomet sua pectora telis,  
Et qui tam multos ceperat error, abit.  
Agnoscent quidam diuini mystica uerbi:  
Nonnullis Turcis, spiritus alme, places.  
Quos ne destituat doctrina purior aura,  
Quod patrio relegant, hic liber ore docet.  
Discent quicis precibus necnon ratione uocadus  
Sit Deus, atq; fide, symbola sancta legent.  
Accedunt quaedam, quae si cognoscere curet  
Lector, habet parua commoda magna mora.*

DE



# DE CHRISTIANO-

RVM CLADIBVS ET  
calamitatibus : deinde de sua secta  
interitu, & de Turcarum ad fidem  
Christi conuersione. CAP. III.

Vaticinium Infidelium lin-  
gua Turcica.

**P**atissahomoſ ghelur, Ciaferun  
menleketi alur, kenſul almai  
alur, Kapſeiler, iedi y ladegh Giaur  
keleci cſikmaſſe, on ikiyladegh onlaron  
beghligħ eder : cui iapar, bagħi diker  
bahcſai bagħlar, oglikeſi olur : onichi  
yldenſſora Hriſtianon Keleci cſichar,  
ol Turchi ghereſſine tus chure.

SEQUITVR INTERPRE-  
tatio eiusdem.



IMPERATOR noster  
veniet, ethnici Principis  
regnum capiet, rubrum  
quoque



quoque pomum capiet, in suam potestatem rediget: quod si septimum usque annum Christianorum gladius non insurrexit, usque ad duodecimum annum eis dominabitur. Domos ædificabit, vineas plantabit, hortos sepibus emuniet, liberos procreabit, & post duodecimū annum (ex quo rubrum pomum in illius potestatem redactum fuerit) apparebit Christianorum gladius, qui Turcam quaquaversum in fugam ager.

*Sequitur commentarius.*

**P**atissahomo est nomen dignitatis, compositum cum pronomine pluralis numeri, & significat Rex noster, siue Imperator noster. Solent enim eodem nomine dignitatis Romanū Cæsarem,



farem, simul & reliquos Reges  
Christianorū appellare, vt *Vrum*  
*patissah*, id est, Romanus impera-  
tor: *Vngruꝝ patissah*, id est, Hun-  
garus Rex, & *Frank patissah*, id est,  
Gallus Rex. Quare nō attribui-  
tur inferioris cōditionis magna-  
tibus nisi Imperatoribus & Re-  
gibus, *Patissah*: plerunque etiam  
pro Duce ab eis accipitur, nec  
abs re. Cū dux à ducendo sit  
dictus, id tamen nemo debet du-  
bitare, quin ille vates Turcicus,  
per istud vocabulum *Patissah*, ali-  
quem potētissimum Tyrannum  
ad Christianos opprimēdos (hoc  
loco) suis sequacibus voluit si-  
gnificare. Præterea & Rex Per-  
sarum eodem nomine ab ipsis so-  
let appellari: sed sæpius fit, vt vo-  
cetur *sultan*, quod nomen desi-  
gnat Principem, vt *sahi sultan*  
*Zmail*,



*Zmail*, quia hic modernus Rex Persarum Sophi habet proprium nomen *Zmail*, quod significat Ismahelem. Habent & aliud nomen dignitatis Regum, *Hunker*, sed hoc nomine nullum audiui vnquam vel ex Christianorum vel infidelium Regibus appellari, præterquàm ipsum Suleimannum eorum Regem, qui nunc rerum potitur: quod tamen nescio an significet Hunnorum dominum. Id enim Germanica propemodùm vox indicare videtur *Hunch heer*, id est, Hunnorum dominus. *Ghelur*, est verbum futuri temporis quod significat veniet.

*Csiaferun*, est nomen, quod significat gentilem siue Ethnicum. Solent enim omnes Christianos hoc nomine appellare, quamuis etiam alia habeant vocabula ad  
interp



interpellandos Christianos, vt sunt *Gyaur*, & *Kaur*: sed *Gyaur*, vnum significat hominem, si non addas *lar* terminationem, quæ apposita fit pluralis, vt *Gyaur*, siue *kaur*, id est, Christianus: *Gyaurlar*, siue *Kaurlar*, id est Christiani. Sed *Csiafer*, etiam sine illa terminatione, quæ plurali attribuitur numero, multitudinem nationum designat: sed quia textus habet *Csiaferun*, estq; genitiui casus per additionem *vn*, vt *Csiafer*, id est, gentilis in nominatiuo, *Csiaferun* id est, gentilis in genitiuo, quasi dicerent gentilis Regis, vel gentilium.

*Memleket*, significat Regnum, quamuis & alia habeant diuersa vocabula ad significandum Regnum, vt *Istan*: qua cum Italiæ, siue Franciæ, aut etiam Hispaniæ

H

Reg



Regnorum mentionem faciunt, tunc dicunt *Frank istan*: quod significat tam Italogum, Gallorum, quàm Hispanorum regna. *Frank* significat hominem harum regionum, ut *Frank Gyaur*, id est, Italus, Gallus, vel Hispanus Christianus. Cæterum cum Græciam nominare volunt, mutant vocabulum, dicentes, *Vrum elli*, id est, Græcia, & non *Vrum istan*, id est, Græcum regnum. Solent interdum & *Vrum memleket* dicere, & tunc intelligunt totum Imperium Græcorum. In summa hoc vocabulum *memleket*, Imperium potius significare vult, quàm Regnum apud illas Turcarum ac Persarum nationes.

*Alur*, est verbum, & significat capiet, siue accipiet. *KuZul almi*, est nomen, quod significat rubrum



brum pomum, quia *Kuzul*, significat colorem rubrum, & *alma*, pomum, & dicunt esse urbem aliquam fortissimam & amplissimam Imperialem. Et interdum oritur quæstio inter doctiores hanc ob causam, quia alii volunt interpretari illud vocabulum urbem Constantinopolitanam, eo quod in nonnullis eorum voluminibus dupliciter legitur, videlicet, *Kusulalmi*, & *Vrumpapai*, id est, rubrum pomum, per quod nonnulli volunt intelligere Budam, siue Græcum sacerdotem vel Patriarcham: quia, ut iam diximus, *Vrum*, significat Græcum, eo quod olim erat sub Imperio Romano tota Græcia, & est corruptum per adiunctionem u literæ in principio, & mutationem o in u, quia huic nomini *Vrum*, si de-

H 2 mas



mas primum u, & medium mutetur in o, erit Rom. Itaque multi sunt huius opinionis, quòd significet Imperium Constantinopolitanum, nonnulli Romanum.

*Kapzeiler* est verbum, & significat opprimere iugo seruitutis: & nemo dubitat illorum tyrannicam afflictionem esse crudelem oppressionem, quod facile probabunt ii, qui eorum captiuitatem & tributi exactionem experti sunt, quemadmodum sunt Greci, Armenii, Thraces, prout facile potuerunt intelligere, si qui legerunt præcedens Capitulum de Afflictione captiuorum.

*Iediyladegh*, septimum annum usque post captionem eius loci suprà dicti. *Gyaur kelesi esichmasse*. id est, ethnicus, siue gentilis gladius.



dius si non apparuerit, & contra illum non insurrexerit. Putant hæc fata anni septimi in potestate Christianorum esse, qui si velent communi opera gladium contra ipsos stringere, haud dubiè essent plena victoria potiti. Verùm quo minus id fiat, nostram ignaviã in culpa esse, dum mutuò inter nos bello ciuili digladiamur, vel turpi otio confescescimus.

*Onychy gyledech*, hoc est, vsque ad annum duodecimum. *On larum beghligheder*, id est, eorum (videlicet Ethnicorum) dominabitur. Verùm quia neque post septimum, neque post duodecimũ annum (capto imperio Constantinopolitano) Christianorũ contra ipsos gladius præliauit, iam enim ferè ad centum annos tota

H 3

Thra



Thracia, & Imperium Orientale est sub eorum ditione, augurantur aliam Imperii sedem sub nomine rubri pomi significari. Ita certum & diffinitum temporis spatium intelligetur, cum res extiterit.

*Eufiapar*, id est, domum ædificabit. Sed miror vnde illis id, & quomodo sint intelligenda hæc verba. Nam hi non adeo in ædificandis domibus (vt nostri) sunt curiosi, sed ædificatas potius expugnandi curam habent, quod etiam in dies eos assequi videmus: non enim exponunt thesauros in ædificia, quæ ad propriam voluptatem, & priuatam vtilitatem seu delectationem spectant, sed in publicum commodum potius, & communem vtilitatem conseruant. Quamobrem per ædificationem  
domus



domus significari putant, quòd  
templa nostra suo Mehemmeto  
sit dedicaturus. sed nescio, an nos  
ista in dignitate iram diuinā pro-  
uocemus, dum alius cum canibus  
tanquam venator in templo ob-  
ambulat, alius de fœnore, alius de  
scorto garriat, alius ad templum  
nunc vrinam, nūc oletum faciat,  
qualia neque inter infideles quif-  
quam videre potest. Credibile est  
profectò, quòd propter hanc irre-  
uerētiam Deus ipse malit nostra  
templa sub Mehemmeto, quàm  
sub nobis esse: sed quòd id fiat,  
est culpa templi custodum.

*Baghi diker*, id est, vineam plan-  
tabit. Per vineæ plantationem,  
nouas colonias & gentium è suis  
sedibus emigrationes intelligunt,  
& sui Imperii dilatationem.

*Bahcsai*, id est, hortos siue illas

H 4 plan



plantationes vinearum, id est, vrbes & arces captas.

*Baglar*, id est, emuniet. Subintelligūt, nouas prouincias vnde cunq; muniet, vt recuperatu sint difficillimæ. Et hoc est mirum, quod à tot annis postquam incœpit sæuire, ita muniuit, vt ne pagum quidem ab eo recuperare potuerimus.

*Oglu keziolur*, id est, filium & filiam habebit. Hic per procreationem liberorum interpretatur propagationem Mehemmetanæ gentis: vt manifestum est omnibus, illam esse intantum propagatam & multiplicatam, vt nihil suprâ. Itaque iam nihil aliud restat, nisi interitus & diminutio fidei & nationis eorum.

*On iki yldenşsora* id est, post duodecimum annum. *Hristianon*, id est,



est, Christianus. *Keleci*, id est, gladius. *Csicar*, id est, insurget seu apparebit. Id quoque apud illos in controuersia est, vtrum gladius ille, quo Christianorum natio in libertatē vindicabitur, talionem Mehemmetanis reddet, atq; Rex aliquis Christianus magnis copiis totum imperium Turcarum sit expugnaturus, an pastor aliquis Christianus sua doctrina Turcas sit conuersurus ad nostram religionem.

Quamobrem (vt dixit) vltima verba huius oraculi, viri cum gemitu, pueri cum fletu, mulierculæ cum planctu & eiulatione excipiant. Vtinam tandem Itali sua pila, Hispani suas lāceas, Galli sua gesa, Angli suas balistas, Germani & Hungari suas frameas, contra istos canes fidei (ipsis, vt ita di-

H 5 cam



cam, satis damnatos ) distringere velint : sed discordia nostri temporis est, quæ solummodo moratur nostras victorias, à nostris rebus. Sed redeamus ad verba vaticinii de interitu eorum.

*Turchi*, id est, Turcam ipsum hætenus regnantem. *Ghereßine*, id est, retrorsum vnde egressus est, adeò vt vel ad latebras Bithyniæ, vnde primùm erupit, vel in Scythiam, vnde originem traxit ille Christianus gladius.

*Tuschure* id est, pellet siue profligabit. Cæterum, quia ille gladius vindex nesciatur vnde oriturus sit, certè Turcæ, siue aliunde metu concepto, nō permittūt Christianis vllum vsum gladiatorum aut armorum : quanquam ne sic quidem tuti sunt à Christianis sæuitiis, qui dominos suos nunc dentali,



tali, nunc ligone, aut stipite ma-  
ctant. Utinam Christiani Princi-  
pes istis fatalibus victoriis sese  
præpararent, & obsisterent, ne vl-  
terius vires Mehemmetanorum  
crescant, quæ iam plus nimio cre-  
uerunt. Quis dubitaret, quin hic  
Christianorum gladius (de quo  
vates Turcicus loquitur) nostra-  
rum tot calamitatū, persecutio-  
num & afflictionum futurus sit  
vindex, atque illo Satanæ regno  
destructo, fratres nostros Chri-  
stianos, grauissimo seruitutis iu-  
go oppressos, simul atque vniuer-  
sum orbem Christianum, tot pe-  
riculis subiectum & obnoxium,  
in libertatem, pacem, & tranquil-  
litatem asserat, restituatq;? Se-  
cta q; eorum diabolica, ad nihi-  
lum redacta, totq; perditas ani-  
mas, ad Christi cultū atq; ouile,  
vnumq;



vnumq; pastorem Christũ, quã  
facilimẽ (vt in sequenti capitulo,  
copiosẽ intelligetur) breui tem-  
pore, Euangelicæ prædicationis  
virtute, compellendo reducat.  
Quod vt breui nobis conceda-  
tur, precetur Pater, per Filium,  
& Spiritum sanctum: qui est sem-  
per benedictus, gloriosus &  
laudabilis Deus in Tri-  
nitate, per infinita  
secula seculo

rum.

A M E N.

DIS





## DISPUTATIONIS

CVM TVRCA HA-

*bita narratio.*

\*

## CAP. II II.

**S**VMMO labore, nec  
 sine grauis. periculo  
 vitæ, Oriētalium, Oc-  
 cidētalium, Meridio-  
 nalium, necnon Septentriona-  
 lium partiū, amœnioribus locis,  
 & potioribus vrbibus peragra-  
 tis, & visitatis, hisq; non secus,  
 quàm Socratis atque Platonis,  
 necnon aliorum Philosophorum  
 more penetratis, perlustratis &  
 diligēter exploratis, famosissimā  
 Hungariæ urbem Varadinum di-  
 ctam quum appulissē: in qua  
 eodem



eodem tēpore casu fortuito ad-  
erat quidam Mehemmetanæ se-  
ctæ legis peritus *Deruis Gsielebi*  
dictus, qui peractis cum prælato  
eiusdem ciuitatis videlicet, fratre  
Georgio, suis negotiis, summo-  
perè desiderabat cum Christia-  
nis aliqua de fide ac religione  
vtraque conferre.

Hoc igitur cū per aliquot  
dies per interpretē iam dicti Præ-  
lati Gabor nominatū egisset, vt  
illi antagonista substitueretur, qui  
religionem Christianam contra  
eū defendere audeat, sed omnes  
quotquot in ea religiosi fuerant  
vrbe, ad vnius Ethnici vocē muti  
redditi erant, nec mihi dissimi-  
les videbantur Israëlitis esse, qui  
sub Rege Saule viuētes, ad vnius  
incircuncisi Goliath, & quidem  
spurii, *μονομαχίαν* eos prouocātis,  
venire



venire non sunt ausi. Id ego videns, turbatus dolebam nimium, in tanto cœtu clericorum reperi neminem, qui veritate ipsa armatus, saltem per interpretē, insolentiam Ethnici reprimere auderet. Et verebar, ne propter nefandam, & omnibus modis detestandam, præsertim tali in negotio, taciturnitatem, & ignaviam, homini nefario palmam tribuisse iudicaremur, verissimamq; causam nostram, & Christi saluatoris, deteriorem redderemus, perpetuamq; notam ignominia Christiano nomini inurentes.

Quamobrem licet ad munus Ecclesiasticum non sim vocatus, nihilominus tamen suscepi provinciam de hoc pietatis negotio cum eo me certaturum. Ibi statuto & à nobis præscripto die, convenit



uenit magna vtriusque cōditio-  
nis hominum frequentia, specta-  
tum rei futuræ exitum, hocq; in  
monasterium fratrum Diui Fran-  
cisci, die Dominica Pentecostes,  
xxix. Maii. M. D. XLVII. &  
primū hanc proposuit quæstio-  
nem: Vbi Deus ante cœli & ter-  
ræ aliasq; creaturas versaretur.  
Mihi autem hæc sua quæstio li-  
cet non ad eò ad propositum spe-  
ctare videbatur, ne tamen nos  
Dei Opt. Max. vbique præsentia  
ignaros iudicaret, respondi: In  
suo esse. Sed cū illi videretur  
hæc responsio utcunque obscu-  
rior, nec eam posset satis intelli-  
gere: postea dixi, Ibidem, vbi &  
nunc est. Hoc intellecto, nega-  
uit hæc in vniuersum, dixi q; Ne-  
quaquam, inquit, sed in nube  
candida.

Qui



Qui cū eum in nube fuisse affirmaret, citaui Genesim (nam & ipsi legunt libros Mosæ & prophetarum) & dixi: Si Deus ipse ante cœli & terræ creationem in nube erat: ergo nubes primū antequā cœlum & terra, creata est.

Ibi post vltro citroq; de hac re agitados sermones conuictus, noluit de hac re vltra disputare. Igitur cessit mihi locus proponendæ quæstionis: & ob festiuitatem eius diei, visū fuit de eodē pauca differere. Statim depictis his verbis (vt in figura præcedenti) literis, & sermone Arabico quomodo in Alcorano scripta habetur, postea illi legenda porrexī: quorum prolatio est eiusmodi.

I

MYST



*Bi sem Allabe, el Rahmane, el  
Ruoahim.*

Quorum interpretatio hæc.

*Bi*, id est, in : *sem*, id est, nomen,  
quasi dicat in nomen. *Allabe*, id  
est, Dei : *El Rahmane*, id est, mise-  
ricordiæ : *El Ruuahim*, spiritus eo-  
rum.

Sciendum, quòd lingua Arabi-  
ca multum habet affinitatis cum  
Hebraica, & Chaldaica, quæ com-  
mitto iudicio virorum cognitio-  
nem habentium Hebraici sermo-  
nis, vel etiam vtriusque: nam *sem*,  
& Hebræi dicunt, quod signifi-  
cat nomen: *Allah*, apud Arabes,  
*Elohi*, apud Hebræos, atq; Chal-  
dæos. *Rahman*, vtriusq; nationis  
est.



est vocabulum, quod significat misericordiam: ita quoque & *Ruoah*, spiritum significat, & addita *Im*, fit pluralis. nam Hebraica pluralia plerunque in *Im*, terminantur.

Hæc qui cùm vidisset, admiratus vehementer, Vndenam hæc, inquit, Christianis? nam in omni operis principio vtimur, inquit, nos Musulmani istis tribus verbis, & singulis capitulis Alcorani præposita habentur. Cùm affedimus mensæ vt edamus, hæc præmittimus verba: cùm abluimus manus, euntes ad orationem & cætera membra corporis. Insuper peracta lotionem, ter repetendo hæc tria verba, aqua aspergimus capita, dicendo; *Bi sem Allabe, El Rahmane, El Ruoahim.*

Igitur cùm fassus esset veritatem,

I 2

tem,



tem, quæsiui ab eo, quidnam intelligant per misericordiam.

Qui respondit se non intelligere, nisi secundum literam, nec habere aliud significatum.

Post hæc accessi ad mysticam interpretationem verborum, & ea iuxta genuinam veritatem, in tres personas partitus sum, videlicet: Patris, Filii, & Spiritus sancti. Vt autem melius intelligeret, in Arabicū sermonem verti hoc modo.

*Bi*, id est, in: *Sem*, id est, nomen: *El Ab*, id est, Patris: *V*, id est, &: *Ben*, id est, Filii: *V*, id est, &: *Ruoh*, id est, Spiritus: *Elchut*, id est, sancti.

Qui cū filii Dei mentionem me fecisse intellexisset, quæsiuit: vndenam filius esset Deo? cū secundum legem nostram & Machometi



chometi doctrinam, Deus non habeat vxorē, inquit, nec proles. Deinde cœpi interpretari prout intelligebam.

Nos videlicet, Deum vocare Patrem, propter creaturas: primam nempè causam creantem, & omnia conseruantem: qui semper in eadem Essentia fuit, in qua & nunc est, & erit in secula seculorum: qui est prima persona diuinitatis in Trinitate.

Filium verò (qui à Mehemmeto in Arabicum vocabulum, videlicet, *Rahman*, quod misericordiā significat, est mutatus) Deum habere ita credimus, & non secundum concupiscētiā carnis (cū Deus sit spiritus) ex fœmina genitum, sed ab essentia ac substantia Dei omnipotentis procedentem: qui vt peccata nostra tolleret,

I 3

assum



assumpta carne humana, ex immaculata virgine, pro nobis passus, mortuus, atque sepultus: & iuxta dicta prophetarum, tertia die à mortuis surrexit: posthæc ascendit ad cœlos, & sedet ad dexteram Dei patris: inde venturus est viuos & mortuos iudicare: & tunc dabit immortalitatis beatitudinem his, qui in eum credunt: incredulis verò supplicia æterna.

Posteà ostendi illi imaginem crucifixi: Vide, inquam, si immerito & à Mehémeto, hic filius æterni Dei, dictus sit misericordia? dum expansis brachiis vocat vt amplectatur nos, dicens:

Venite ad me omnes qui laboratis, & estis onerati peccatis, vt reficiam vos.

Et vt eum de Mysterio Trinitatis redderem certiolem, ostēdi solem.



solem. Habes pulchram solis similitudinem, inquam. Sicut vnus est sol habens formam, calorem, & splendorem: sic vnus est Deus, & pater qui habet filiū, & spiritum sanctum, quem vos *Ruohim* vocatis, consistens in his tribus personis, quæ ex æquo de eadem substantia sunt, deq; eodē subiecto, ab æterno quidem nullo creante permanentes.

Et ita per comparationē hanc credidit in Deum patrē, & filium eius vnigenitum, & spiritum sanctum in Trinitate vnum.

Et cū audisset me hæc ita, at satis indoctē de Deo, & eius filio, & spiritu sancto differere, plurimum admiratus dixit, *Allah, Allah*: quod significat Deus, Deus.

Ego, inquit, vel aliquis nostrū, nunquam credidissemus vos ita

bene



bene de Deo sentire: existimabamus enim vos, inquit, in maximis tenebris constitutos: sed iam ex tuis relatis intelligo vos optimè de illo sentire, nisi quòd Mehemmetum prophetam Dei magnum parui faciatis.

Quid nobis cū Mahumeti nugis, & somniis? nam præter baptis-  
mū & mysteriū Trinitatis, quæ à nobis accepit Christianis, scimus in suo Alcorano nō habere quicquam, quod ad veritatem spectet.

Cæterum, citavi illi nugas vel somnia potius Machometi de duobus Angelis, Aroth, & Maroth nominatis, quos Machomet à Deo in terram missos fuisse narrat, ut ius mortalibus administra-  
rent: quibus iussit ne vinū biberent, nec mulieribus sese admisce-  
rent, neque alicui ad superos iter  
ostend



ostenderent. Qui transgresso mandato diuino, inebriati sunt à muliere decepti, coinquinati sunt, eiq; iter ad superos eundi ostenderunt.

Quam cùm Deus in cœlum venire vidisset, Angelos sibi astantes interrogauit, quisnam hic in cœlum hac forma indutus veniret?

Ibi Angeli, cùm narrassent errorem esse Arothi, & Marothi, iussit vt mulier in stellam conuerteretur, Angelos verò concatenatos in vnum puteū, perpetuò cruciandos mittere præcepit.

Et huiusmodi ridiculosa multa: vt de animali *El Barahil*, humani sermonis capacis, quod animal Mehemmetum in cœlū tulit, vbi Mehemmet fatetur se vidisse Angelos magnos, habentes multa ca

I S      pita



pita, & ea multas & diuerfas linguas habere. Hoc profectò satis ridiculosum, & prophetam dictum minimè dignum. Sed nescio, inquam: forsitan vino repletus in somnio talia miracula, seu potius portenta ridiculosa, se somniasse vidit. Igitur cum huiuscemodi nugas narrare, & suo Alcorano inferere est ausus, non verus propheta, sed pseudopropheta, meritò ab omnibus nobis vocari debet. Quibus auditis, pudore affectus surrexit, & de cætero disputare noluit: sed introduxit me in templum, ostendit imagines sculptas in ligno, rogauitq; utrū nos eas similitudines hominum adoramus, aut si eas veneramur: cui respondi, Nequaquam opineris nos ligna, lapides, ex quibus hæ imagines sculptæ sunt, adorare:



re: sed ea ratione in templo seruamus, ac veneramur, non quò res quædam sunt, sed ratione ea qua nobis Christū Deum, D. Virginem, vel aliquem ex diuis coelo ascriptis, effigiant, ob oculos ponimus. Christum autem verum Deum in eius imaginibus adoramus, & cæteros sanctos veneramur, obseruamus, honore prosequimur, quod & vos nec regibus, aut insignib' viris denegatis, nos autem iam Deo consecratis, nulla labe commaculatis, hisq; quos & Deus sic voluit honorari.

Rursus vt Deo gratias agamus de beneficiis, quæ in istis intelligimus ab eius clementia condonatis. Prætereà vt inuocato eorundem præsidio, Deū habeamus in auxiliū, clementem, & propitium. Postremò vt discamus, & laboremus



mus eorundem sanctimoniā, charitatem, pietatemq; imitari.

Ibi inter colloquendum, vidit canes in templo deambulare, & indumēta altarium commaculare (rem profectò pessimam, & cōsuetudinem hanc ab omnibus vituperandam) dixit:

An bestias templum ingredi liceat? Ibi pudore affectus, ignorabam quomodo defenderem hanc Christianorum pastorum negligentiam: respondi tamen, non licere, nec esse honesta, sed custodum templi negligentia id factū puta.

Vbi autem hæc intellexisset, laudavit plurimū, rogavitq; vt docerem eum orationē dominicā, quam illi in Turcicum sermonē versam hoc modo sum interpretatus, vt sequitur:

DOMI



## DOMINICA ORATIO

## Lingua Turca.

*Babamoꝛ, hanghe gugteſſon, chuduff*  
 Pater noſter qui es i cœlis, ſanctificetur  
*olſſun ſſenungh, adun gelſſon ſſenung*  
 nomen tuum, adueniat regnum  
*memlechetun, olſſum ſſenungh iſſtedgunh*  
 tuum, fiat voluntas tua  
*nycſe gugthe vle gyrde.*  
 ſicut in cœlo & in terra.  
*Echamegumoꝛi hergunon vere biꝛe*  
 Panem noſtrum quotidianũ da nobis  
*bu gun, hem baſſa biꝛe borſligomoꝛi,*  
 hodie, & dimitte nobis debita noſtra,  
*nycſe biꝛde baſlaruꝛ borſetigleremoꝛi.*  
 ſicut & nos dimittim⁹ debitorib⁹ nr̃is.  
*hem yedma byꝛegeheneme, de*  
 Et ne nos inducas in tentationem, ſed  
*churtule biꝛy iaramaꝛdan, Amen.*  
 libera nos à malo, Amen.  
*His auditis, vale dicto omnibus diſceſſit.*



CORNE. SCRIB.

PIO LECT.

\*

*Vultis Christiade miserandos cernere casus?  
Fœdasq; arumnas, horrific usq; cruces?  
Quantaq; sub rabidis (res uera) afflictio Turcis  
Captiuos maneat, heu mahi, Christiadas?  
Hunc legitote auidi: rursus huc legitote libellū,  
Et motu mentis uoluite cuncta pio.  
Dispereā nisi tum lacryme, gemitusq;, grauisq;  
Corde dolor, nobis uiscera quassa premant.*

HA



**H**Abes iam Christianissime  
 Lector, fratrum nostrorū  
 sub Turcico iugo seruitutis vi-  
 uentium miseras & calamitates,  
 partim verbis, partimq; figuris,  
 satis cōpendiosè delineatas. Ha-  
 bes præterea & Tredecim potē-  
 tissimorū Christiani Imperii Mo-  
 narcharum gladium, nostræ cla-  
 dis vindicem futurum, eumq; du-  
 plicem iuxta infidelium vatis præ-  
 sagia: qui si contra hunc crude-  
 lissimum tyrannum iam fato  
 damnatum stringatur, quis  
 dubitat breui vnum  
 ouile vnumq; Pa-  
 storem fu-  
 turum?

\*

DEP



DE PLORATIO  
CLADIS CHRISTIANORVM.

CAP. V.

\*

**I**MMENSO & incredibili dolore affectus, Monarchæ inuictissimi, Rectorésque Reipublicæ Christianæ Augustissimi, pro fratribus nostris, eorum sortem durissimam dolendo, & miserrimam vitam deplorando: quorum alii hæretica prauitate seducti, à gremio sacrosanctæ Ecclesiæ defecerunt: alii ciuili ense mactantur: alii hostili cruëto gladio trucidati, à feris deuorantur: alii (proh dolor) Turcarum præda facti, in perpetuam eorum seruitutem



uitutem abducti, crudelissimè affliguntur, qui ad vos lacrymabili voce suspirando clamitant:

O nefanda & execranda discordia, & regnandi auida cupido quor iam animas ad cultum diuinum consecratas, in obsequium Satanæ tradidit? quotq; potentissimorum Imperatorū, Regum, Principum, & vtriusque status & conditionis fortissimorum Heroum imperia & regna destruxit? Superbissimarum vrbium mœnia demolita est: sumptuosissima palatia, & fortissima castra solo æquauit, eosq; ex eminentissimo statu ac gradu deiectos, in perpetuum luctum ablegauit.

Licet tamen non ad conscribenda Principum gesta, sed ad captiuorum calamitates, & tragœdias delineandas manum appo-

K      fuer



fuerim, vnus tamen nostræ tempestatis potentissimi ac superbissimi huius abominandæ discordiæ comitis, videlicet Seruiæ Despoti, turpissimum exemplum nō possum silentio præterire: qui pacto fœdere cum Bosnenfi Sāgiaco, hoste sibi vicino, & cū fortiora castra in cōfinibus Turcarum, vsq; ad Sauum fluuium (qui diuidit ac separat Illyriam à Croatia) possideret, & tunc omnes prouincias inter Sauum & Drauum fluuios, ab impetu & incursum Turcico defenderet & tueretur, in manus hostis se dedit.

Iste Despotis, aut si mauis, dominus Seruiæ, dum veniret cum proceribus Sclauoniæ in discordiam, & cōtrouerfiam, facta amicitia cum dicto Sangiaco, ibi adiuncto Turcico exercitu suo militi,



liti, traiectoq; Sauo fluuio ad vadum Chobacz dictum, Sclauonos proceres, partim discordes, partim etiam ad resistendum impotentes inuasit, & profligauit: eorum prouincias debellauit: igne & ferro deuastauit: oppida & castella, partim uolenti manu, partim dolo & infidiis (vt Turcarum est mos) paucis diebus expugnauit. Post paucos tandem menses, cum dictus Sangiacus Despotis prouincias inter suas esse conspexisset, nacta occasione, Despoten strenue inuasit: quo tandem occiso, eius quoq; ditiones Turcico Imperio subegit.

Ita enim ille seditiosus atheos, proditor patriæ & fratrum suorum, ignominiose vitam finiuit. Nam Turcæ præmia eiusmodi sunt: quoscunque suis dolis, fraudibus

K 2 & in



& insidiis capere potest. Ita ple-  
risque & Hungariæ proceribus  
fecit: quorum nonnulli nunc in  
captiuitate Turcica detenti, vt  
Mailat, & Terech Balint (nisi pro-  
ximis his diebus sunt extincti)  
miserrimam traducunt vitam.

Quamobrem euitanda nobis  
profectò, Monarchæ Christianis-  
simi, & summopere cauenda hu-  
ius tyranni sæuitia: & verendum,  
ne exploratis regionibus, incon-  
cordes, viribusq; exhaustos ag-  
grediatur: & non tantùm Siculos  
ac Calabros oppugnet, verum-  
etiam Gallis sublatis, vniuersæ  
Christianitati terrorem incutiat,  
atque tremorem.

*Felix quem faciunt aliena pericula  
cautum.*

*Nam res vestra agitur, paries cum  
proximus ardet.*

*Malus*



*Malus Christiadas furor fatigat  
 Principes: proprijs perire quærunt  
 Insani gladijs, neq; ante finem  
 Bellis scuitiaq; ponere vllum,  
 Quàm discordia, pessimiq; fati  
 Intestina lues, lupo rapaci  
 Pastorem simul atq; ouile tradat.  
 Non' ne ter superum inferumq; vidit  
 Grassantes mare Turcicas triremes,  
 Vastare oppida Christiana, pagos,  
 Captos ruricolos? scelus nefasq;  
 Si qui debuerant genus tueri  
 Velis Christicolûm atq; equis, procurât  
 Velis perdere nos equisq; tandem  
 Quæ sint prospiciant futura nobis.*

Ego verò ne prolixior in hoc  
 dicendi genere videar, vestro pru-  
 dentissimo ac sapientissimo Reli-  
 gionis Christianæ Principum iu-  
 dicio corrigenda & emendanda  
 relinquens, ad deplorandas fra-  
 trum nostrorum, sed captiuorum,



& sub Turcarum grauiſſimo, ac crudeliſſimo tributi iugo viuendum Chriſtianorum miſerias, afflictiones & calamitates, redeo: quorum alii catena collo vincti, per aſpera & lubrica Thraciæ atque minoris Aſiæ loca, nudis pedibus, in fame ac ſiti, tanquam bruta animalia venales diſtrahuntur: & vbi labore longi itineris, vel aliis calamitatibus & anguſtiis afflicti, aliqui eorum extincti fuerint (vt plerunque accidit nobilioribus, & qui in otio & delitiis ſunt educati) tales in proximam foſſam abiecti, & inhumati, à beſtiis dilaniantur.

Alii, vt puta vtriuſque ſexus iuuentus, mangonum & lanistarum impuram libidinem patiuntur: vbi auditur ingens ploratus & vluſus aduleſcentium vimpatientium:



tium: quos miserrimos, nec sexennis ætas, à tali fœditate defendere potest.

Alii, videlicet rusticæ atq; mechanicę artis ignari, & minus vendibiles literati, oppidatim ac plateatim longo tempore ducuntur: & cùm venditi fuerint, fustibus ac loris compulsi, artes mechanicas & rusticas, videlicet agriculturam, armentorum & ouium pasturam, aliaq; grauissima exercitia discere coguntur. Et qui eorum sunt robustiores, hi ad triremes traduntur: vbi vestibus exuti, compedibus vincti, nudi, miserrimè cruciantur: quorum miseria nulla vis humani ingenii verbis exprimere potest.

Nam si illa gens hanc calamitatem præsciuisset, milies mori citius præoptasset quàm ista pati.



Si vsquam mors cum vita com-  
mixta est, imò si vsquam vita diu  
supereft, vt diu moriaris, id in  
Turcia est. Nihil Aegyptiaca fer-  
uitus, Babylonicū exilium, Affy-  
riaca captiuitas, Romanorū eua-  
ftatio, ad has miferias, vbi quoti-  
die audiuntur threni Ieremie, nec  
verbis, fed rebus constant.

Miferi, qui quasi in fornace illa  
ardenti Hur Chaldæorum viuūt,  
votis & gemitibus cœlum petūt,  
Vsquequo dormis Domine, exur-  
ge, & ne repellas in finem: vbi  
cūm omni spe se vndique oppref-  
fos atque aggrauatos sentiunt,  
rurfus à cœlo ad patriam oculos  
reiectant, quam & ipsam in fer-  
uitute vident: relegati tamen à  
patria, in patria feruitutem agere  
cupiunt: vota illorum, non li-  
bertatē, fed eandem feruitutem,  
mut



mutatis tantum sedibus concipiunt.

Qui ut voto fatisfaciant, vitam suam morte commutare cupientes, fugam ineunt: quorum alii relicto grege in deserto, alii bobus in agro & aratro ad deuorandum lupis, abeunt.

Nonnulli mactatis hero & familia, quidam etiam succensis ædibus primum, sese vindicare volentes, magno ac manifesto periculo sese expositos, per deserta atque asperrima loca, glandibus, herbis agrestibus, & earum radicibus amaris, sale modico conditis, eorum miserrimam, & plusquam infœlicem vitam sustentando fugiunt, diurnis temporibus in antris latitantes: nocturnis autem polo arctico duce ad Helleponticum mare cōcurrunt, aut etiam

κ 5 filo



si locus fugæ nō datur, in summitate arborum, propter ferocissimas feras, fune ramis alligati vigilant: quorum plerique, aut fame pereunt, aut ferarum dentibus dilacerantur, vel etiam antequam ad mare traiciēdum perueniunt, ab opilionibus capti rursus in captiuitatem traduntur.

Alii verò, dum ad mare magno labore & post longos, diurnos & nocturnos errores perueniūt, colligatis lignis mare traicere contendunt: aut à transeuntibus nauis capti, ad *Chadiam*, id est, iudicem deducuntur: aut tempestate maris obruti intereunt, & rarissimi ad has partes redeunt. Quorum pars vbi ad eorum heros & propinquos traditur, dirissimis suppliciis atque tormentis dum affliguntur, ad vos Monarchas,  
Reges



Rēges, Principes, & Christianæ  
reipublicæ rectores miserabilem  
vocem conuertere solent.

Optant Sanctissimum, ac cle-  
mentissimum Papam, patrem pa-  
triæ, Pastorem orthodoxæ Ec-  
clesiæ, item Reuerēdissimos Car-  
dinales, Patriarchas, Archiepisco-  
pos, Episcopos, Abbates, & reli-  
quos prælatos, eius coadiutores  
& subditos : vires suæ Sanctita-  
tis ad liberationem eorum con-  
uertere : & filiis suis coadunatis,  
in vnitatem & concordiam reda-  
ctis, contra communem hostem  
opprimendum eos adhortari.

Optant Augustissimum, & in-  
uictissimum sacri Imperii Roma-  
ni Cæsarem, ac vniuersos eius  
Principes, Duces, & Heroas, post-  
habito domestico bello, conuo-  
catis suis proceribus, electoribus

ac



ac primatibus sui Imperii, ad defendendum, & ad augendum statum suum, cōtra vicinum & iam imminentem sibi hostem victoria arma mouere. Sciunt illi parere Hispanos in bello accerrimos: Belgas ferocissimos: Italos corpore, & ingenio praestantissimos: Germanos animo fissimos. Sciunt illi addictissimum Regem Romanorum, Turcarum bellis assuetissimum, Illyricis, & subalpinis gentibus subnixum.

Optāt etiam Christianissimum Regem Gallorū, Eulogii sui conuenientia, suas opes, & arma sua bellicosissima, ad defensionem & liberationem fratrum suorum apparare.

Optant praeterea fortissimos ac potentissimos Reges atque Monarchas, necnon vniuersos  
Christ



Christianissimæ reipublicæ rectores ac potentatus, Poloniæ, Noruegiæ, Suetiæ, Danię, Gotiæ, Dantiæ, Angliæ, Scotiæ, Lusitaniæ, ad id sanctissimum bellum venire: & contra hūc immortalem hostem eorum sanctissimæ fidei, Sacræ Coronæ & Imperii, libertatis, parentum, vxorum, filiorum & filiarum, fratrum, amicorum, totiusq; Christianitatis incolarum, perpetuum inimicum & aduersarium omnibus opibus & viribus vnanimis pugnare, ipsumq; è medio tollere.

Optant potestatem quoq; tam spiritualis, quàm etiam temporalis gladii, seu disciplinæ auctoritatem habentem, dignum quemq; sui officii villicum & administratorem sese præbere: sceleratos, & dissolutè viuentes, pro quibus ira diuina



diuina in filios perditionis breui  
est ventura, iuxta debitam, & in-  
stitutam normam ac regulam, ad  
bene beateq; viuendum castigando  
reuocare: quorum rationem  
Deo, & vero patrifamiliàs Chri-  
sto se daturos fatentur, ne amisso  
villicationis suæ officio, in eadem  
paupertatem (vt iam plerisq; eue-  
nit) inopinati & dormientes in-  
cidant.

Optant etiam vtriusq; sexus &  
cōditionis senes & iuuenes, pios,  
ac Deo deuotos Christicolas, re-  
ligiosos ac seculares, dilectissimos  
parentes, charissimos fratres, co-  
lendissimos amicos, proximos  
atq; sodales, humili vultu, puro ac  
sincero corde, deuota mente, fle-  
bili voce, lacrymosis oculis, eorū  
miseriis & calamitatibus condo-  
lere: plorare ad Dominum, si for-  
fitan



fitan miserebitur populo suo, & auertat iram suam, & non det eos in opprobrium sempiternū, huic tyranno infideli, & crudelissimo hosti fidei, religionis, ac libertatis Christianæ, sed inspiratis mentibus Christiani Imperii Monarcharum, Regum atq; Rectorum, lumine Spiritus sancti, vsque ad cōcordiam & vnitatem reductis, contra hunc voracissimum & infatiabilem draconem concessa victoria, miseri, captiui, & sæuissimo infidelium tributi iugo grauari, fratres eorum Christiani liberati, in patriam ad Christi cultum reducti, illi soli seruiant, qui est benedictus in secula. Ut tandem deuictis & profligatis hostibus, Christianus orbis à tot perperuis cladibus respiret.

EXHOR



EXHORTATIO  
CONTRA TVRCAS.  
CAP. VI.

**S**A E P E mecum admiratus sum, Monarche inuictis. cur, quā omnia videantur nobis Christianis polliceri victoriā, nunquam tamen eam inter tot annos consequamur.

Habemus Christum Deum, qui vnica nocte castra Sennacherib deleuit, qui Pharaonem submersit, qui foeminea manu Iudith puellæ Holophernem extinxit, & vt breuiter dicam, à cuius numine voluntateq; omnes victorię pendent.

Turcæ contrā Machometum habent, & in vita flagitiosum, post



post vitam sepulcro sine resurre-  
ctione perpetuò inhærentem, vt  
tantum inter vtrunque nomine  
interfit, quâtum inter viuum viui  
Dei filium, & inter hominis, & ab  
homine nati cadauer putridum:  
adeò vt in cladibus Christiano-  
rum, si natura vtriusque numi-  
nis expendatur, mortui videan-  
tur viuos armis potentiaq; su-  
perare.

Iam cùm robore corporum,  
dotibusq; animi eos præcella-  
mus, quæ magna præsidia viden-  
tur ad hostes profligandos, ipsi  
vbique miserrimè profligamur.  
Quid Hungaro audacius? quid  
Germano vastius? quid Gallo  
procerius? Hispano solidius? quid  
Italo sapientius? aut Polono ro-  
bustius? vt de cæteris nationibus  
taceam, quorum dotes animi aut  
L                      melior



meliores, aut certè æquales.

Rursum si indolem animi spectes, quid Hungaro vulnere periculorūq; securius? quid Germano generosius? Italo prudentius? Gallo ambitiosius? Hispano callidius? quorum singula videntur posse, vel dare victoriam, vel adiuuare. Sæpe vicit sine aliis viribus audacia, sæpe generositas animi, sæpe sapientia, sæpe honoris illa audax ambitio, sæpe calliditas: tamen, me miserum, inter tot victrices res, à victoria excidimus.

Iam si apparatus videas, armorumq; genera, multis rationibus Turcis præstantiores videmur. Nostra inuenta sunt Bombardæ, nostra tot genera pannoniæ armaturæ: ipsi Persæ nudi, aut seminudi ad bella prodeunt: illis



illis arcus, nobis *slopetæ*, id est, nobis fulmina: illis sagittæ, quæ per dura armorum nullam vim penetrandi habent, cum bombardis seu machinis Christianorum vix vlla rupes obstiterit. Sunt equidem & *Musulmannis* sui bombardarii, sed rariores & indoctiores. Nunc quæso, quas gentes secum in expeditionem trahât? Scythas & Thraces: in quibus non sapientia Italica, aut industria Hispanica, sed inhumana quædam feritas, barbaries, animi summa inscitia, indocta, stolidi. Istis se addit Græcus ignavia perditus: Asiaticus, luxus corruptissimus: Aegyptius, non minus animo quam corpore euiratus: Arabs, excoctus, minutus & exanguis. Quis à tali milite crederet Gallos bellicosissimos, Belgas ferocissi-

L 2 mos,



mos, Germanos animosissimos, Hungaros audacissimos, Italarum ingenia, Hispanorum solertiam vinci posse? attamen (proh dolor) vincimur: & vincimur ab his, qui in seruitutem ducunt, & serui pro seruitute bella gerunt contra nos: qui in libertate geniti, à proavis & atavis nobis indelibata relictæ sumus.

Quòd si instituta & leges vtriusque nationis inspicias, neque hac in parte inferiores sumus. Quid enim Euangelio diuinius? quid iure canonico regulatius? aut quid iure ciuili sapientius, aut æquius? cùm illi ex Alcorano viuunt, re non minus stulta quàm vana: qui liber nunc inter Christianos versatur & circumfertur, vt maturè alienas leges discamus, qui breui nostras amissuri



furi videmur, vt antea animo  
quã dictione Turcæ fimus. Quid  
igitur in causa est, cur inter tot  
prærogatiuas bellandi, in bello  
semper deuincamur? Cur vexilla  
crucibus insignita, olim terribi-  
lia, non minus infidelibus natio-  
nibus, quàm infernalibus spiri-  
tibus, nunc toties in fugam se  
auertant?

Dicam paucis, & dicam verè.  
Deum habemus & summum &  
verum, sed à nobis alienatum,  
adeò vt prophetico vocabulo fer-  
mè, appellari possumus non popu-  
lus Dei. Cur enim Christus no-  
biscum esset, qui à nobis per tot  
hæreses, in tot partes dilaniatur?  
Nam præter nomen, quid nobis  
Christianis charissimi est? Rusti-  
cus hoc tempore & impurus &  
factiosus: oppidanus, fallax, &



auarus: magistratus sequuntur re-  
tributiones, diligunt munera &  
prosoptolepsiam: nobilitas luxum  
& ignauiam, discordiam atque  
superbiam: miles verò præter sti-  
pendium & prædam nihil ex bel-  
lo quærit, securus quò sceptrum ca-  
dant, non minus infestus in suos  
quàm in hostes. Ecclesiastici præ-  
ter pompam Ecclesiasticam, vix  
quicquam Ecclesiæ habent: non  
sanctitatem, non pietatem, non  
eruditionem debitam profitetur.  
Nam ferè omnes quærere vide-  
rentur quæ sua sunt, nō quæ Chri-  
sti: & verè prophetæ ore dicere  
possumus, Omnes declinauerunt:  
simul inutiles facti sunt: non est  
qui faciat bonum, non est vsque  
ad vnum. Quid igitur mirum si  
talibus motibus Christus amicus  
esse nolit?

Bella



Bellamus igitur sine Deo, et (quod calamitosius) aduersario Deo. Apud nos circumferuntur cruces, sed ipse Crucifixus suo fauore apud hostes versatur. Pereunt igitur omnia, & infinitis cladib<sup>9</sup> inuoluuntur: & cum vna gens contra Turcam pugnat, alia verò, vel in domesticis versatur bellis, aduocatis & adiunctis sibi in auxilium infidelibus Paganis, vel Scismaticis, vel Hæreticis, vt acrius oppugnet Christum: alia verò, vel priuata curat negotia, vel etiam in otio agit, crapulæ, & aliis voluptatibus indulgens. Miles verò qui in aciem deducitur, nummo inferuit, non Christo: si desit stipendiũ, statim vel desertor vel transfuga futurus.

Quid igitur prodest ibi Italica sapientia, aut industria Hispani-

. . . . . l 4 ca,



ca, aut robur Germanorum, aut ferocitas Gallica, vel audacia Hungarica, ubi miles nec Christum nec gloriam cogitat, sed ad bellum venit tanquam ad ganeum, ibi potationes suas exerciturus?

Bonas leges habemus, sed pessimos mores: bona arma, sed pessimos animos. Laus est si inter se acriter dimicent: in hostem si non acriter pugnent, vel dedecus non est, vel certe impunitum est.

Quando quis unquam audiuit militem, vel ob fugam, vel ob abiecta arma mulctatum fuisse? cum olim poenae capitales & decimationes non singulos, sed uniuersas legiones peruaferint.

Trahimus igitur exiguum numerum, eumque moribus corruptum, contra tot myriades hostium, optima disciplina utentium.



tium. Nam Turca vitia sua do-  
mi deponit, Christianus assumit:  
in castris Turcarum nullæ deli-  
tiæ, arma tantummodò & neces-  
sarius victus: in castris verò Chri-  
stianorum luxus, & omnis luxu-  
riæ commeatus, adest grauior tur-  
ba meretricum quàm virorum.  
Latrocinatur Hungarus, præda-  
tur Hispanus, potat Germanus,  
stertit Bohemus, oscitat Polonus,  
libidinatur Italus, Gallus cantat,  
Anglus lurcatur, Scotus hellua-  
tur: militem qui moribus miles sit,  
vix ullū reperias. Quid igitur mi-  
rum, si vincant illi apud quos so-  
brietas, parsimonia, vigilantia, fi-  
delitas, & summa obedientia? vin-  
cantur illi, qui ab hostibus vel va-  
gi ad prædas, vel inter pocula, aut  
apud meretricem aliâsue abomi-  
nandas & execrandas nequi-  
tias



tias inueniantur?

Sed hæc culpa est superiorum:  
nam hi, si subditos suos in timore  
tenerent, miles Christianus nun-  
quam inferior fieret Turcico.  
Altera ex parte, principes ipsi,  
dum mutuis bellis sese conficiunt,  
causam præstant, ut nunquam pa-  
res vires contra Turcas afferamus,  
dum pro vno & altero oppi-  
dulo digladiamur, & post acer-  
rimas præliorum conflictationes:  
post exhaustas opes nihilo Impe-  
rio & regno auctiores efficimur.

*Heu quantum terræ potuit, pelagiq;  
parari*

*Hoc, quem ciuiles hauserunt sangui-  
ne dextræ!*

Sed seræ sunt querimonix. A-  
misimus Asiam atq; Africam: ex-  
tincta est Græcia: ægrota est vs-  
que ad mortem Hungaria. Oc-  
cupata



cupata est iam nostro tempore H-  
lyria, subiecta est nuperrimè Tur-  
cico Imperio Sclauonia, debilita-  
ta est Austria: vis pestis huius iam  
Germanorum ceruicibus, atque  
vniuersę Christianitatis dorso in-  
cumbit: adeò vt nemo ab hoc pe-  
riculo tutus esse videatur, qui  
posthac non alienam, sed suā rem  
agent, pro suis limitibus velint no-  
lint decertaturi nisi velint pro  
principibus serui fieri, & pro libe-  
ris mancipia, aut in perpetuis car-  
ceribus detineri, seu potius ma-  
ctari, vt plebei capite & duce  
careant.

Nunc si potentissimi Christia-  
ni orbis Monarchæ & rectores  
ad concordiam (vt speramus) re-  
ducantur, & quisq; suas opes ad  
hoc sanctissimum, atque œcume-  
nicum seu generale bellum iuxta  
vires



vires contulerit, quis dubitabit nos, vel numero exercitatisimi, ac robustissimi militis Turcæ æquales, vel etiam superiores fore, in victoria verò longè lateq; excellentiores futuros?

Nam Romanorum Imperium facile armabit quinquaginta millia equitum, & centum mille peditum: idem, vel aliquanto plus ex Gallia & Hispania sperandum. Reliquiæ Hūgariæ, & Illyriæ, cum cæteris Romanorum Regis Provinciis, facile sexaginta millia equitum producent.

## SVMMA CHRISTIA-

*ni Militis.*

Centum sexaginta millia equitum. Ducenta millia peditum. Præterea vbi Veneti & Lusitani  
 nauales



nauales suas copias conferant,  
Angli, Scoti, Dani, Daci, Gothi,  
Poloni, cæteriꝑ; Reges, Princi-  
pes, Duces, & Christiani orbis  
proceres & rectores militem sub-  
ministrent, præsertim tali Chri-  
stianissimo Cæsare rerum guber-  
nacula tenente, non diutius obfi-  
stet Turca Christiano, quàm Da-  
rius Alexandro, Xerxes Themis-  
tocli, Antiochus Iudæ Macha-  
bæo. Vbi autem victoria potiti  
fuerimus, hisque viribus secun-  
do flumine Danubio, Constan-  
tinopolim versus descendatur,  
placato numine, correctis etiam  
moribus, in procliui erit vincere  
hostes fidei, recuperare Græciam  
& Thraciam, vbi adhuc maior  
pars hominum Christum colit:  
qui auidissimis votis expetunt  
Christiana arma, ad quamlibet  
occa



occasionem defecturi, & suos dominos & tyrannos, à quibus miserrimè vexantur, oppugnaturi, quæ res sola victoriam dare, vel maturare potest.

Vtinam Monarchæ potentissimi domestica bella vos illic finirent penetrare: videretis omnia vobiscum contra eos ad arma cooriri. Nulla ætas, nullus sexus, nullus ordo hominum vestra arma relinqueret. Domi quisque Turcarum in suis seruis percussorem haberet, in castris proditorem, in pugna desertorem. Omnino Christiani qui illic sunt, contemptissimè de armis Turcarum sentiunt, vt quos ad velitarem tantum pugnam idoneos cognoscunt. Hostes velut aues clamore quodam perterrent: si non eo terroris impetu fuga fit, ipsi fugiunt



giunt: præter clypeos & galeas nihil habent, plerique nudi sunt.

Et vbi isti Christianæ fidei perpetui hostes è medio nostri tollerentur, & ad latebras Bithyniæ propulsi, nostro gladio (vt eorum fatentur præfagia) vel ad fidem Christi conuersi, in gremium Sacrosanctæ Ecclesiæ Catholicæ reducerentur, quis dubitaret, quin breui sit futurum, vt Christianus Imperator, non minus Constantinopolitano quàm Romano Imperio insignis sit futurus? Rex Romanorum, Hungariam & Thraciã recuperaturus? Rex Franciæ Asiam minorẽ suis conditionibus additurus? Angli Scoti & Lusitani, Aegypto potituri? Hispani tota Africa? Itali omnia littora, quæcunque habet mare Mediterraneum, in sua potestate habituri



habituri? item etiam Poloni, Dani, Daci, Nouergi, Sueci, Gothi quoque & Islandi Septentrionalis plagæ, ditissimarum regionum & nationum populo dominaturi? Prætereà Romanæ Sacrosanctæ Ecclesiæ summus Pontifex totius orbis gentium pastor maximus sit nominaturus?

Ita sentiunt non solum captiui, & sub tributo Turcarum viuentes Christiani: verumetiā omnes Turcarum militis & rei bellicæ experientiam & cognitionē habentes. Idem ego tredecim annorum cursu experientia didici, in fugientem scilicet Turcam fortissimum, aduersus inuadentem fugacissimum esse.

Turca igitur cum natura sit fugitiuus, oppugnandus est: impius enim nemine persequente fugit.

Exurg



Exurgat Deus, & dissipetur ini-  
mici eius, & fugiant, qui oderunt  
eum, à facie eius. Sicut deficit fu-  
mus, deficiat: sicut fluit cera à fa-  
cie ignis, sic pereant peccatores à  
facie Dei, & ab Ecclesia sua san-  
cta, vt fiat vnum ouile, & vnus  
Pastor. Quod concedat no-  
bis trinus & vnus, Pa-  
ter, Filius, & Spiri-  
tus sanctus.

Amen.

M Nota



**N**Ota, quòd per totam Sy-  
riam, & circa Hierosoly-  
mam Græci non vtuntur Græca  
lingua, sed transtulerunt totam  
Sacram scripturam in Arabicum  
idioma: neq; literis, quibus Græ-  
ci olim vtebantur, sed Arabicis  
characteribus vtuntur: etiã mis-  
sam Arabico sermone celebrant,  
& omnia diuina officia decan-  
tant. Quare non necessitatis, sed  
nouitatis causa saltem Domini-  
cam precationem eodem sermo-  
ne cum Latinæ linguæ inter-  
pretatione huic opuscu-  
lo inferere volui,  
cuius prola-  
tio est ta-  
lis.

DOMI



## DOMINICA ORATIO

Arabico sermone.

*Abuna elledi fi elsemauat,*  
 Pater noster qui es in coelis,  
*itchaddes esmech, tati*  
 sanctificetur nomē tuū, adueniat  
*melechutech, techun misutech,*  
 regnum tuum, fiat voluntas tua,  
*chema fi elssema chedalech*  
 sicut in coelo &  
*elared.*

in terra.

*Hobzina* *bijum*  
 Panem nostrum quotidianum  
*hatina iumen, ve noghfor*  
 da nobis hodie, & dimitte  
*lena denubina, chema venchem*  
 nobis debita nostra, sicut & nos  
*noghfor assa leina,*  
 dimittimus debitoribus nostris,

M 2

ve



ve la tedhelna fi el tegiareb,  
 & ne nos inducas in tērationem,  
 lechen negina men elserir,  
 fed libera nos à malo,

Amen.

Amen.

PER



IDPEREGRINVS

CHRISTIANO

LECTORI.

\*

**S**TATVERAM profectò  
 mecū, præstātissime Le-  
 ctor, vt elucubratiuncu-  
 læ meæ, vtcunque in meliorem  
 formam redactæ, hac vice non  
 tantum argumentis augmenta-  
 tæ & locupletatæ, verumetiam  
 nitidiori Latii sermonis stylo or-  
 natæ in tuam vtilitatem in lucem  
 prodirent: sed egestas, aut potius  
 curta (vt aiunt) peregrini supel-  
 lex, impediuit eum hunc subire  
 laborem, qui neque in ξενοδοχείῳ  
 locum philosophᾱdi obtinere po-  
 tuit: ex τρυποδοχείῳ & principū au-  
 lis nisi mollibus vestitus, vel po-  
 tius benè numatus, ibit etiā Ho-

M 3

merus



merus foras. Vt autem id tibi ingenuè fatear, hac tempestate mortales, in lapides parietesq; colorandos & pingendos (cùm hi nihil horum indigeant) potius quàm in Diuos, aut patriæ utilitatem, vel proximos egenos, pauperes ac peregrinos subleuandos, multò studiosiores esse.

Tu igitur, non ita Christiane Lector, obsecro facito, sed Deo Opt. Max. creatori, & redemptori tuo, primùm obtemperato, tandem in proximum subleuandum magis studiosus esto, qui est templum viuum Christi, & Spiritus sancti habitaculum. Præterea nō tantum parentem patriam (cui iure diuino plus, quàm priuatis rebus tenemur) amato, sed etiam eius ædificatores amatoresq; totis viribus diligit.

Dein



Deinde si quid delectationis  
ex hoc nostro diuturno labore  
perceperis, non Peregrini clientis  
tui studiosissimi, sed Reuerendis-  
simorū D. Ioānis Dominici Epif.  
Tranen. Ioannis Petri Caraffa,  
Petri Paciecci, Bernardini Masei,  
Ottonis de Valturg. Petri Bri-  
tāni Mutinen. Guidonis Ascanii  
Cardinalium, beneficio ascriben-  
dum puta, qui illi victus necessa-  
ria administrarunt. Præterea &  
R. Princ. & D. Adolphi Archiep.  
Colonien. & sacri Imperii Rom.  
electoris, qui per ministrum suum  
D. Petrum Duisberch Præpositū  
Maguntinen. sese erga Peregri-  
num liberalem exhibuit.

R. D. Olahi Magni Gothi etiā  
Archiepiscopi Vpsalensis V. D.  
Adami Conarski Præpositi Pos-

M 4

nani



nanienfis S. R. Maieft. Poloniæ  
Secret.

D. Ioachimi à Latorff: Canonici  
Magdelburgenfis : necnon Pe-  
tri Pauli de breuibus, qui eum in  
emenda papyro iuuarunt.

Vbi autem Peregrinum, Latini  
fermonis elegantia, & eloquen-  
tia limites tranfuiſſe conſpexe-  
ris, pro tua ſumma prudentia &  
humanitate corriges, ſciasq; Pere-  
grinum, maiorem partem tempo-  
ris atque ætatis in exercitio

ruſtico Turcicæ gentis,

non in ſtudiis bo-

narum artium

detriuiſſe.

Vale.

FINIS LIBELLI.



I N D E X

DE SVI RESTAVRATIONE  
EXEGESIS LIBRI PRO-  
TREPTICA, AD  
LECTO.

Lugdunū postquā ueni peregrinus ab urbe,  
Appertor Miles suscipit hospitio:  
Qui lacerū, squalidūq; uidēs, meq; absq; decore  
Comptum, su facto cogitat et quid opus.  
Exuor extemplo trita: data commoda uestis:  
Vt nunc in uulgus comptior ire queam.  
Nec ego iudicium metuo, limamq; periti  
Ingenij: lior solus obesse potest.  
Quare age, qualis sim, syncera perlege mente:  
Sufficiet sacris si placeam ipse uiris.

M 5



# I N D E X.

## A

<i>Abzemen sui</i>	30
<i>Aedificia domorum</i>	62
<i>Aegyptiaca seruitus</i>	152
<i>Aegyptius euiratus</i>	163
<i>Afflictio captiuorum</i>	75
<i>Agricolæ quales</i>	56
<i>Agricultura</i>	59
<i>Achise</i>	43
<i>Alahici</i>	23
<i>Angli lurcones</i>	169
<i>Animalia qualia ad bellum vehantur</i>	51
<i>Animalia varia</i>	60
<i>Arabs exanguis</i>	163
<i>Arabs excoctus</i>	163
<i>Arabs minutus</i>	163
<i>Araphat dagh</i>	30
<i>Arnaulcar</i>	20
<i>Aroth</i>	136. 137
<i>Asiaticus luxu corruptissimus</i>	163

## B

<i>Babylonicum exilium</i>	152
<i>Basse quales</i>	41
<i>Bayram</i>	11. 15
<i>Belgæ ferocissimi</i>	163
<i>Bestias templum ingredi non licere</i>	140
<i>Bethler</i>	26
	<i>Boemæ</i>



Boemi stertunt

169

C

Ceremoniæ defunctorum	36
Cancellarii quales	41
Carmina Turcica	26
Captiui pastores	88
Caruat sanvie	33
Chafilarij quales	45
Chadia index	154
Chna	19
Chorban	23
Chumas	28
Cibaria Turcarum	63
Circuncisio Turcarum	16
Conditio debellatorum	95
Conditio sacerdotum & monachorum	
sub Turca viuentium	97
Conditionalia esse omnia Turcarum	34
Consiliarii quales	41
Cisutara	46
Cupido regnandi quàm inala	145
D	
Deploratio cladis Christianorum	144
Deum non habere proles	133
Deum non habere vxorem	26
Deruislar	12
Dialogus Turcæ cum Christiano	69
Discordia quàm mala	145
Disputatio cum Turca	125

Dqmnz



Domuz

E

Eleemosyna Turcarum

Eulenmech

Exhortatio contra Turcas

F

Festum celebrandum

Fuga ex Asia minore

Fuga captiuorum

Fugitiuorum poena

G

Galli ambitiosi

Galli bellicosissimi

Galli cantatores

Galli proceri

Germani animosissimi

Germani generosi

Germani potatores

Germani vasti

Ghepenech

Gladius Christianorum quis

Græcus ignauia perditus

Gsiamihsi

Gsumagum

H

Hagü

Hagfilar

Hairisi

Harachs

Hispani



Hispani callidi	162
Hispani solertes	164
Hispani solidi	161
Hispani prædatores	169
<i>Hogfialar</i>	29
Hungari audaces	161. 164
Hungari vulnerum periculorumq; se- curi	162
Hungari latrones	169

I

<i>Iazilam gelur bassina</i>	46
<i>Ienitseri</i>	47
<i>Imareth</i>	32
Incantatio Turcarum	93
Itali ingeniosi	164
Itali libidinosi	169
Itali prudentes	162
Itali sapientes	161
Iustitia in bello	53
Iustitia apud ciues	58

L

Lampades in templis Turcarum	10
------------------------------	----

M

<i>Mailat</i>	148
<i>Maroth</i>	136. 137
<i>Maslach</i>	23
Matrimonia Turcarum	28
<i>Mecham</i>	28. 29. 30. 31
<i>Medinum</i>	28
<i>Mehemmo</i>	



<i>Mehemmedine</i>	29
Memo iam Christi paulatim in prouin-	
ciis Christianis aboleri	94
<i>Meschit</i>	9
<i>Meslh</i>	11
Militia Turcarum	38
Miracula Machometi	28
Mysterium sanct. Trinit.	130
Modus comedendi	65
Modus sedendi	16
Monachi	22
<i>Murdar</i>	15
<i>Musulman</i>	18. 19. 20. &c.
N	
<i>Nassup</i>	46
<i>Nephes ogla</i>	12
O	
Obedientia Turcarum	42
<i>Ochumachgirleri</i>	25
Oratio Dominica Arabicè	179
Oratio Dominica Sclauonicè	104
Oratio Dominica Turcicè	141
Ordo peditum in bello	47
<i>Oruts</i>	14
P	
<i>Parmach</i>	16
<i>Paslarma</i>	52
<i>Pasmagh</i>	11
<i>Pechmez</i>	60
Peregrinatio Turcarum	28
Pietas Græcorum & Armeniorum	92
<i>Pirmets sforba</i>	32
Poloni	



